



କ  
୧୩୬





# উর্ষশী নাটক ।

দ্বিজভনয়া

পদ্যে

কলিকাতা -

শ্রীমুক্ত ভিরোজারিও কোম্পানির মুদ্রায়ত্তে প্রকাশিত

সন ১২৭২—ইং ১৮৬৬।

মূল্য ১২ টাকা মাত্র।



ব্রহ্মস্বল প্রবিষ্ট ব্যক্তিগণ ।

ইন্দ্র ... দেবরাজ ।  
 সারথি, ... দেবরাজের ।  
 চিত্ররথ, ... গন্ধর্বেয় রাজা ।  
 নাবদ, ... মহর্ষি ।

ঋকৃষ্ণ  
 বলবাম, . কৃষ্ণব লে তা ।  
 পদ্ভাম, . কৃষ্ণব পুত্র ।  
 দণ্ডী . অশ্বত্থীব র জা ।  
 মন্ত্রিবর, .. দণ্ডী রাজার ।  
 ভৃগু, . ই

দ্রুঘোধন, . হৃষ্ণিনার রাজা ।  
 কর্ণ, .. দ্রুঘোধনের সখা ।  
 দ্রুঘাশমন, . ই জাত ।  
 ভাস্কর, . ই জাত ।

ধৃতরাষ্ট্র  
 মঞ্জয়, } ধৃতরাষ্ট্রের মন্ত্রী ।

দ্রোণাচার্য্য, } গুরু ।  
 কৃপাচার্য্য, }

ব্রহ্মস্বলে মহাদেব, দেবভাগণ, অপর  
 রাজগণ ভূতগণ ব্রাহ্মস :

শচীদেবী, ... ইন্দ্রের পত্নী ।  
 সুলোচনা, ... পরিচারিকা ।  
 মুরজাদেবী, কুবের পত্নী ।

ভিলোক্তমা, } অপ্সরা ।  
 রম্ভা, }  
 মেনকা, }

রুক্মিণী,  
 সভান্তামা,  
 জাম্ববতী,  
 কাশিন্দী, } কৃষ্ণের পত্নী ।

পরিচারিকা, . উর্ধ্বাঙ্গিণেব ।  
 বর্তি, } কৃষ্ণের পুত্রবধু ।  
 লক্ষণ, }

বেবতী, . বনবাসিনের পত্নী ।  
 সূদেবী, .. উর্ধ্বাঙ্গিণের পরিচারিকা ।  
 উনা, . প্রভুশ্বের পুত্রবধু ।

চিত্রলেখা, .. উর্ধ্বাঙ্গিণের সখী ;  
 মতিদী, . দণ্ডিরাজার ।

মহতী, } মহিষীর পরিচারিকা  
 মাপতী, }

গান্ধতী, .. দ্রুঘোধনের পত্নী ।  
 দ্রুশীলা, ... দ্রুঘোধনের ভগিনী

শশিমুখী, ... দ্রুঘাশমন পত্নী ।  
 কুলী, ... ধৃতরাষ্ট্রের ভাতৃপত্নী

ক্রৌপদী, ... কুলীর পুত্রবধু ।  
 সূভদ্রা, ... কুলীর পুত্রবধু ।

পার্বতী, ... দেবী ।  
 পদ্মাবতী, } পরিচারিকা ।  
 বিজয়া, }

জয়া, }  
 রাক্ষসী, }



## বিজ্ঞাপন।

দণ্ডী পুরাণে দণ্ডীরাজার বৃত্তান্ত সকলেই পড়িয়াছেন। ভগবান্‌চক্রী কি প্রণালীতে সৃষ্টি পালন করেন, পুরাণ কৰ্ত্তা এই গ্রন্থে তাহা বিশিষ্ট রূপে প্রতিপন্ন করিয়াছেন। ব্যাসদেব সমুদায় মহাত্মারতে ভগবানকে চক্রীরূপে বর্ণন করিয়াছেন। ঈশ্বরের এতাদৃশ পরিচয়ে নব্যমতাবলম্বী-দিগের মধ্যে অনেকের কুচিপিড়া জন্মায় সন্দেহ নাই। কিন্তু যাহারা জগতের নিয়ম সকল উদ্ভীলিত নয়নে দেখিয়াছেন, তাহারা বুঝিতে পারেন, মহর্ষি এ বিষয়ে অত্রান্ত কি-  
সিদ্ধান্ত প্রকাশ্যব সেই বর্ণনা রক্ষা করিয়া গিয়াছেন।  
হইয়াছে। ইহাতে শ্রীকৃষ্ণের বর্ণনা আছে বটে, কিন্তু সে কেবল প্রসঙ্গতঃ মাত্র। বিস্তৃত প্রস্তাবে ভগবানের বর্ণনার চেষ্টা পাওয়া কেবল মুনি ঋষিদিগেরই সম্ভবে। এই হেতু অধিক সাহস করি নাই।

দণ্ডী পুরাণের বৃত্তান্তে উর্ধ্বশী ও দণ্ডীরাজাই প্রধান! আমি ও নাটকে তাঁহাদিগেরই প্রাধান্য রাখিয়াছি। স্মৃতরাং আমার গ্রন্থে অপবিত্র প্রণয়ের ব্যাখ্যা আছে, কিন্তু কেবল তাহা বলিয়াই সুক্কন্দশী পাঠক মণ্ডলী আমার গ্রন্থকে অনাদর করিবেন না।

এই নাটকে ভূরি ভূরি দোষ আছে; তথাপি আঁ পাঠক সমাজে প্রেরণ করিলাম। আমি অশি এই আমার প্রথম রচনা, একথা বলিয়া পাঠক প্রার্থনা করিতে সাহসী হই না। গ্রন্থ মা পরিচিত হই; গ্রন্থকারের অবস্থা বিবেচনা :



পাঠক সমাজ অপকৃপাত বিচারপতি সদশ। তাঁহাদের  
 অনুগ্রহ ও নাই নিগ্রহ ও নাই। অতএব বৃথা অনুন্নয়  
 বিষয়ের কল কি? তথাপি প্রবোধের নিমিত্ত এই এক ভরসা  
 যে, যদিই আমার গ্রন্থ নিতান্ত নীরস হইয়া থাকে, তবে ইহা  
 আপনিই অচিরে লয় পাইবে, ও আমিও পাঠক মণ্ডলীর  
 তিরস্কার লইতে উদ্ধার পাইব।

এই গ্রন্থ প্রচার বিষয়ে অনেকে অনেক সাহায্য করিয়াছেন।  
 আমি তাঁহাদিগের সকলেরই নিকটে চিরকাল অনুগৃহীত  
 থাকিব। মুদ্রারক্ষস প্রভৃতি গ্রন্থ প্রণেতা শ্রীযুক্ত হারনাথ  
 ন্যায়রত্ন মহাশয় এই গ্রন্থ সংশোধনাদি দ্বারা অধিনীকে  
 চিরবাধিত করিয়াছেন। তাঁহার 'সোজারিও' কোম্পানির  
 মুদ্রাযন্ত্রের প্রধান কর্মচারী শ্রীযুক্ত বাবু যাদবচন্দ্র দাস  
 মহাশয় কত উপকার করিয়াছেন, তাহা প্রকাশ করিয়া  
 বলিতে পারি না; অপর যে মহাশয় এই বিজ্ঞাপন রচনায়  
 সাহায্য করিয়াছেন তাঁহার নিকটেও অনুগৃহীত হইলাম।

দ্বিজ তনয়া।

# উর্ধ্বশী নাটক।

প্রথম অঙ্ক।

অমরাবতী।

বৈজয়ন্ত তোরণে ইন্দ্র এবং সারথির প্রবেশ।

ইন্দ্র। (বাস্ত চিত্তে) সারথি! সারথি!

সার। কি আজ্ঞা দেবরাজ?

ইন্দ্র। দেখ ত, দেখ ত, মহর্ষি দুর্বাসা কত দূর গেলেন।

সার। তিনি এতক্ষণ অনেক দূর গেছেন।

ইন্দ্র। (স্বগত) আঃ কি বিপদ! তপোবন নিবাসী তপস্বী  
ইঁহারাও কি রিপু দমন করিতে অক্ষম? (প্রকাশে) কি  
আশ্চর্য্য! তপোধনের কি বিজাতীয় জোড়? আমার  
সেই রক্ত লোচন দেখিয়া আমার সর্বাঙ্গ  
হৃৎ-কম্প হইতেছে।

সার। আজ্ঞা আমারও তর হইবে।  
[স্বগতঃ সারথির প্রস্থান]

অন্তঃপুরে শচী দেবীর কুল সুলোচনার প্রবেশ।

শচী। ওরে সুলোচনা! তুই কোথায় গেছিলি?

সুলো। আমি কুল ভুলতে গিয়েছিলাম।

শচী। তা, এত বিলম্ব কেন?

সুলো। আমি যে অনেক কণ এনেছি।

শচী। তবে তুই কোথা ছিলি ?

সুলো। দেবি! আমি আপনার শয়ন মন্দিরে পুষ্প শয্যা কন্তেছিলাম। আর আপনার জন্যে পুষ্পালঙ্কার গেঁথে রেখে এলাম।

শচী। হঃ! এত কুল কোথা তুল্লি ?

সুলো। কেন, আপনার সেই উদ্যান হতে তুলে আনলেম; তা আপনি সেখানে চলুন, দেব সুরপতির আগমনের সময় প্রায় হলো।

[উভয়ের প্রস্থান]

দেবমতায় ইন্দ্র ও চিত্রবর্ধের প্রবেশ।

চিত্র। দেবরাজ! আপনার ও পূর্ণচন্দ্র সদৃশ মুখচন্দ্র কখন তো মলিন দেখি নাই। আজ কেন তা দেখি! আমাকেও আর ডাকেন না! আর পূর্ণের সমস্ত আমোদ কোথা গেল? কিছুইত দেখতে পাই না। মনে এতই কি ছাং হয়েছে, তা বলুন দেখি শুনি?

ইন্দ্র। হ্যাঁ! তোমার অগোচর কিছুই নাই। তুমিও জান। আর বলিব কি; নৃত্য গীত বাদ্য এই সকল বিনোদনের প্রধান কারণ বলিয়া গণ্য করিয়া উহা আর কে করিবে বল দেখি? সকল বিনোদ করে, এ স্বর্গে আর কে আছে বল দেখি? [দীর্ঘ নিশ্বাস]

চিত্র। এ কি! আপনি স্বর্গাধিপতি হয়ে একটা তুচ্ছ বিষয়ের জন্য এত ক্লান্ত করেন কেন? আর আপনার এ অবস্থা দেবতারাই বা শুনে মনে বি

ইন্দ্র। সখে চিত্ররথ! বল কি, দেবতার! মনে কি করবেম? সেই দিন হতে কার মনে না ছুঃখ হয়েছে? আর বল দেখি আমার এই অমরাবতীর আর কি শোভা আছে?

চিত্র। দেবরাজ! স্মরণ করে দেখুন দেখি স্বর্গে অসুর গণের দৌরাত্ম্য সময়ে আপনি কত অধৈর্য্য হয়েছিলেন? বোধ করি এত নয়।

ইন্দ্র। চিত্ররথ! যাই বল, আমি নিতান্ত অসুখী আছি। আমার চিত্ত নিতান্ত চঞ্চল হতেছে।

গীত।

বিনে সে উর্ধ্বশী রূপসী, স্বর্গে কি আর শোভা আছে।

জীবন, নয়ন, মন, সুন্দরীর সঙ্গে গেছে ॥

হায় সখা চিত্ররথ, আমার যে মনোরথ, তাহে বিধি বিপরীত,  
খেদে হৃদি বিদরিছে।

অভিশাপ দিলা মুনি, হয়ে ধনী তুরঙ্গিনী, কাননেতে একাকিনী,  
কি রূপে সে জনিতেছে ॥

চিত্র। সুরনাথ! বলেন ত এক উপায় করি।

ইন্দ্র। ভাই! রূপসী উর্ধ্বশী প্রাপ্তির আর কি উপায় আছে?

চিত্র। আশ্চর্য্য উর্ধ্বশী প্রাপ্তির উপায় এক্ষণে নাই; তবে কোন অন্য উপায়।

ইন্দ্র। উর্ধ্বশীর উপায় ভবিষ্যতে আছে যুক্তি, যেহেতু মুনিবর শাপ দিয়েও পুনর্বার বর দিয়েছেন; কিন্তু তাহা ঘটনা হওয়া কঠিন। অতএব সুন্দরীর স্বর্গাগমন হওয়া কঠিন হইতেছি।

চিত্র। দেব! কিছুই কঠিন নহে, জগদীশ্বরের ইচ্ছায় সকলই হইতে পারে।

ইন্দ্র। হাঁ তা হবে সত্য, তথাপি অনেক কষ্টে।

চিত্র। (স্বগত) অ্যা! দেবরাজকেই বা কি দোষ দিব?  
রূপসী উর্বশীর মুখ-শশী মনে পড়লে আমারও  
চিত্ত চঞ্চল হয়। (প্রকাশে) হাঁ তা সত্যি বটে, তবে  
বলেম্ ত চিত্ত বিনোদনার্থে একবার তিলোত্তমাকে  
ডেকে আনলে হয় না? তিলোত্তমা সঙ্গীত ও  
নৃত্য দ্বারা অনেক অংশে আপনার মনোবেদনা  
দূর করিবে।

ইন্দ্র। সখে! তোমার বিবেচনার ধাড়া উত্তম হয় তাহাই  
বর। আমার আর বিবেচনা শক্তি নাই।

চিত্র। যে আজ্ঞা!

(উত্তরের প্রস্থান।)

-----

সময়স্থানে শচী এবং তিলোত্তমার পুনঃ প্রবেশ।

সুলো। (একখান নগ্নমহাস্ত) দেবি! একবার দেখুন দেখি  
পুষ্পা ওরণ আপনার শ্রীঅঙ্গে কেমন উজ্জ্বল শ্রী ধারণ  
করেছে। তা এই সময় দেব সুরপতি আসছেন  
ত বড়ই ভাল হতো!

শচী। বটে? সত্যি সত্যি বল দেখি তিনি এলে কি ভাল  
হতো?

সুলো। দেবী! তা হলে আমার এই পরিশ্রম সার্থক হতো।

শচী। কিন্তু পে তোমার পরিশ্রম সার্থক হতো!

সুলো। আজ্ঞা, আপনার এই পুষ্পসজ্জা-প্রভায় দেব  
সুরপতির স্নেহিত চিত্ত-কমল বিকসিত হইলেই  
আমার শ্রম সফল হতো।

শচী। (স্বগত) তাই ত; এই কয়েক দিন দেবরাজ এখানে  
আগেন না। কই এই কয়েক দিন নন্দন কাননে

উভয়ে। গন্ধর্ব্ব রাজ! ভাগ্যে আপনি এখানে এসেছিলেন!  
চিত্র। তোমরা তিলোত্তমাকে সমভিব্যাহারে লইয়া এই  
উদ্যানেই থেক, আমি সুরপতিকে আনতে চল্লাম।  
[প্রস্থান]

তিলোত্তমা এবং সুলোচনার প্রবেশ।

তিলো। (স্বগত) আজ কদিন হতে বেশ ভূমি কিছুই করি  
নাই। মাথাটা তাও বাঁধিনাই, এমন বেশে কেমন  
করে যাই। (প্রকাশে) সুলোচনা!

সুলো। কেন গা?

তিলো। আজ আমার একি ভাগ্য? তোমাদের দেবী ভাল  
আছেন ত? দেব সুরপতি কি কচ্ছেন?

সুলো। তিনি কি কচ্ছেন আর এখন কোথায় আছেন তা  
আমি জানিনা। তিনিত্ত তোমাকে ডাকেন নাই:  
দেবী ডাকছেন।

তিলো। (বিরস ভাবে) তবে চল যাই।

[উভয়ের গমন]

রত্না। দেখ্ মেনকা, ঐ শচীদেবীর দাসী সুলোচনা আর  
আমাদের তিলোত্তমা যাচ্ছে নয়?

মেন। হাঁ হাঁ যাচ্ছেইত বটে।

উভয়ে। (উচ্চঃস্বরে) বলি ও তিলোত্তমা! তিলোত্তমা! তোরা  
একটু দাঁড়ারে, আমরা যাচ্ছি।

[পশ্চাতে ধাবমান]

(তিলোত্তমার হস্ত ধারণ করিয়া) আমাদের ছেড়ে তোরা  
কোথা যাচ্ছিস্ ভাই?

তিলো। (বিরস ভাবে) আঃ কি আপদ? এরা পেছ ডাকে  
কেনরে?

রত্না। কেন তাই, তুমি কোথা যাচ্ছ? এ ত নাচতে যাবার বেশ নয়।

মেন। আমার মাথা ধাও, বলনা তাই কোথা যাবে?

তিলো। আজ আমাকে শচী দেবী কেন ডেকে পাঠিয়েছেন, আমি তাই যাচ্ছি।

উভয়ে। তবে যাও বোন। তোমাকে ডেকেছেন, তুমি যাও, আমরা ঘরে যাই।

[ সকলের প্রস্থান ]

ভল্লুপুরে শচীর প্রবেশ।

শচী। (স্বগত) কেনইবা এত করে সজ্জা কল্লেম? কৈ সুরপতি ত এখনও এলেন না? এই ত নন্দন কাননে যাবার সময়, এর পর রাত্রি হলে আর কে যাবে? (নেপথ্যে বীণাধরনী) এই যে নৃত্য আরম্ভ হয়েছে: তবে সুরপতি এলেন বলে। কিন্তু এত অবেলায় আমি ত যাবনা। (স্বর্ণসিংহাসনে উপবেশন)।

তিলোত্তমার প্রবেশ।

তিলো। (হাস্যমুখে) দেবি! প্রণাম।

শচী। (পরিহাসে) একি লো তিলোত্তমা? তোর এমন মলিন বেশ কেন?

তিলো। (সহাস্যে) দেবি! পূর্ণচন্দ্রের নিকটে নক্ষত্রের কি শোভা হয়? তা আপনার কাছে আমাদের সজ্জা করে আসা না আসা সমান।

শচী। তা ত নয়, আমি ডেকেছি তাই।

তিলো। (সমজ্জিতা) দেবি! আমি কি আপনার কাছে কখন সুবেশ করে আসিনা?

আমাকে লয়ে যান না। তাঁর মনে এমন কি  
অসুখ হয়েছে? আর একপু বিরস ভাব কেন?  
দেখি দেখি সখী তিলোত্তমাকে ডেকে জিজ্ঞাসা  
করে দেখি। (প্রকাশে) তবে স্থলোচনা!

স্থলো। দেবি! কি আজ্ঞা হয়?

শচী। এক বার তিলোত্তমাকে আমার নিকট ডেকে  
আনতে পারিস্?

স্থলো। যে আজ্ঞা চল্লম।

শচী। শীঘ্র যা।

[উভয়ের প্রস্থান]

নন্দন কাননে চিত্ররথের প্রবেশ।

চিত্র। আজ আমি সুরেন্দ্রের মনোভাব বিশেষরূপে  
অবগত হলেম। দেবরাজ উর্ধ্বশীর জন্য নিতান্ত  
অন্যমনা ও একান্ত ক্ষুব্ধ আছেন। অতএব যাহাতে  
স্বর্গাধিপের মনোরঞ্জন হয় তাহাই করা আমার  
কর্তব্য। যাই এক বার নন্দন-কাননে যাই দেখি।

অন্য পথে মেনকা এবং রস্তার প্রবেশ।

রস্তা। মেনকা দেখলো দেখ, আহা কেমন কুল ফুটে  
রয়েছে দেখ।

মেন। তা রয়েছে সত্যি, আমাদের আর কে পেড়ে দেবে  
ভাই? আয় বোন! এই গাছের তলায় একটু বসি;  
বেস্ বাতাস দিচ্ছে।

রস্তা। না ভাই! আর বস্বোনা, এস একটু বেড়াই।

[উভয়ের জমণ]

মেন। রস্তা! তোর মনটা কেমন কেমন দেখছি বোন।

রস্তা। মেনকা, তোর কথা শুনে আর বাঁচিনে! কেমন  
কেমন কি বল দেখি শুনি?



মেন। কেমন কেমন আর কি, তোর মনটা কেমন উতলা দেখছি।

রস্তা। দেখ্ মেনকা, এই ঋতুরাজ কি অসামান্য শক্তি-সম্পন্ন! হাঁ হার মত্ত বীর ত এই সুরলোকে আর নাই। ইনিই আমার মনকে উতলা করেছেন।

মেন। উন্মিত পুরুষের কাছে যেতে পারেন না। উনি কেবল অবলা রমণীগনকে জ্বালাতন করেন।

রস্তা। অমন কথা বোল না বোন। জাননা যোগীদের যোগভঙ্গ কে করে? (নেপথ্যে কোকিলের ধ্বনি ও তাহা শ্রবণে উন্মত্ত হইয়া উভয়ের উচ্চ স্বরে গান)।

গীত।

বলি রতি পতি শোন।

নিবারণ করে দেরে মধুকরে, গুন গুন আগুন কেন করে বরিষণ॥

কুসুম সৌরভে রবে না রে প্রাণ, সবেনা শরীরে, কোকিলের গান।

মলয় বাতাসে, নরি রে ছতাপে, ছতাপন সুখাকরের কিরণ॥

রস্তা। দেখ্ ভাই! আমাদের মনের তুঃখ মনেতেই তৈরল।  
[উভয়ের উপবেশন]

চিত্র। (স্বগত) আহা! পারিজাত পুষ্পের কি সৌরভ! এখানে আসিয়া আমার মন মোহিত হলো। আবার এ কি! এ যে স্থির-সৌদামিনী দেখিতে পাই। ভুঙ্গ সকলে পুষ্প ত্যাগ করিয়া রস্তা মেনকা উভয়ের অঙ্গে পতিত হচ্ছে।

রস্তা। (বিরক্ত হইয়া) আঃ কি দায়? এরা কেন মতো এলো! কি জ্বালা, দূর হ!

মেন। আঃ কি আপদ! কামুড়ে ত দিবেনা! মরণ নাই!

চিত্র। স্থনকরি! তোমরা ভয় করোনা। এ শঠ ষট্পদকে আমি নিবারণ করছি।

- শচী। (সহাসে) তিলোত্তমা, তোকে, একটি কথা জিজ্ঞাসা করি তুই বলবি ত? তোদের সকল বিদ্যাধরীদের মধ্যে সুরেন্দ্র কাকে ভাল বাসেন?
- তিলো। (সতরে) দেবি! তিনি ত আপনাকেই ভাল বাসেন; আবার কারে ভাল বাসবেন?
- শচী। ও লো! তোর এত ভয় কেন বল দেখি?
- তিলো। দেবি! দেবতাদের নিকটে বাস করতে হলে ভয় করতে হয়।
- শচী। ও লো তিলোত্তমা! তোর যেমন রূপলাবণ্য নব যৌবন ও নয়নের ভঙ্গি, তাতে আবার কত গুণ তোর; তুই তপস্বীর যোগ ভঙ্গ করতে পারিস্। তোকে সবাই ভাল বাসেন। বিশেষ দেব—(অমনি নীরব।)
- তিলো। দেবি! দেবরাজ কি আমাকেই ভাল বাসেন এমন মনে করবেন না; উনি যাকে ভাল বাসেন তাকেই ভাবেন।
- শচী। (সহাসে) তুর ভাব ত আমি বুঝতে পারি না।
- তিলো। বুঝতে পারেন নাই, তবে জিজ্ঞাসা করুন কি তাবে?
- শচী। আমি বলি তোকেই ভাবেন।
- তিলো। দেবি! উনি আমার জন্যে ভাববেন কেন? আমি ত মরি নাই।
- শচী। বালাই! ও লো এমন কথা বলিস্ নে। তুই মলে আমাদের স্বর্গ অঙ্গকার হবে।

ইন্দ্রের প্রবেশ।

(শচী সিংহাসন হইতে জুতলে উপবেশন।)

- ইন্দ্র। প্রিয়ে! কেন, কেন? তুমি উঠে বস। (হস্তধারণ—শচী মৌন।) প্রিয়তমে! নন্দন কাননে অপরূপ সকলে

তোমার প্রতীক্ষা করে রয়েছে, তুমি দেখা না গেলে  
নৃত্য করবে না; চল। কেন, এমন করে রইলে  
কেন? (তিলোত্তমাকে অবলোকন করিয়া) এই যে  
তিলোত্তমা এখানে!

তিলো। দেব! দেবি আমাকে ডেকেছিলেন, আমি তাই  
এসেছি।

ইন্দ্র। ইনি আজি এমন করে রয়েছেন কেন?

তিলো। তা আমরা কেমন করে জানব! কি হয়েছে  
আপনি জিজ্ঞাসা করুন।

[ নেপথ্যে বীণাস্বর ]

ইন্দ্র। শ্রিষে চল, আর বেলা নাই। এই বেলা পারি-  
ক্রান্ত গুণ্ডা চয়ন করি গে, আব তোমার উত্তম  
করে সজ্জা করে দিইগে।

সুলো। (ঘোড় হস্তে) দেব! কেন দেবির কি আজি ভাল  
নজ্জা হয় নাই?

ইন্দ্র। তবে না কেন, বেগ হয়েছে! তথাপি আমার  
মনোবাঞ্ছা পূর্ণ করা চাই ত।

শর্চী। আর অমন মন রাখা কথা কইতে হবে না, আপনি  
এখন হতে যান্।

ইন্দ্র। শ্রিয়ে! কোথা যেতে বল?

[ নেপথ্যে পুনর্বার বীণাস্বর ]

শর্চী। তিলোত্তমা, শোন ত অমন করে গান কছে  
কে রে?

তিলো। দেবি! রক্তার মতন লাগ্চে যেন।

ইন্দ্র। শ্রিয়ে! চল, আর বিলম্ব করো না।

শর্চী। আঃ! এ ত ভারি দায়! আমি না গেলেই কি নয়?

ইন্দু। (বিনয়ে) প্রিয়তমে! আমার মাথা খাণ্ড, আর কিছু বলো না, চল।

শচী। তবে চলুন; আয় লো তিলোত্তমা, আয়।

[ সকলের প্রস্থান ]

শচী ভীর্ষ—সরোবর ও দেব উপবন।

মুরলী দেবির প্রবেশ।

মুর। (স্বগত) কৈ কেউ ত এখনও এখানে আসেন নাই। (চতুর্দিক্ নিরীক্ষণ করিয়া) উঃ! এখনও ভাল করে করসা হয় নাই! এখন ত আমি একলা জলে নাব্বতে পারব না। একটু এই খানে থাকি, বেলা হউক। (ইতস্ততঃ জ্ঞপণ) আহ! কমল বনে কি শোভা হলো! এক একটী করে সব কমলিনী ফুটে উঠলো।

[ নেপথ্যে ধ্বনি ]

ইঃ! এই যে কমল গছা পেয়ে কাঁকে কাঁকে মধুকর সব আসুচে, দেখি দেখি এখন পদ্মিনী কি করে।

[ কমলে ভ্রমরের উপবেসন। ]

ছি! ছি! ছি! কমলিনী, তোমার একি কর্ম্ম! তোমার পতি দেব দিবাকর, জগতের আরাধ্য বস্তু! তুমি এই জঘন্য পতঙ্গতে রত হইলে? ছি! ষণা নাই? হায়! হায়! তুমি কেবলই সুন্দর? গুণাগুণ বোধ না থাকলে সৌন্দর্যের কি এই ছুর্গতি? কমলিনী, তোমার ব্যবহারেই আমাদের নারী-কুলের দর্পচূর্ণ!

[ নেপথ্যে শব্দ ]

কে যেন আসুচে। কার যেন কথা শুন্তে পেলেন।

শচীদেবী, রত্না, মেনকা, এবং তিলোত্তমার প্রবেশ।

শচী। এই যে সখি বশ্বেশ্বরী! তুমি এখানে কতক্ষণ এসেচ?

মুর। শচীদেবী! আমি ঘুম ভেঙেছে আর অমনি উঠে এসেছি; তখন ফরসাও হয় নাই।

শচী। তবে ত তুমি খুব এসেচ। আমার যে ভোরে ঘুম ভাঙে না।

মেন। (সরোবরে অবলোকন করিয়া রত্নার প্রতি) দেখ্‌লো! এই দেখে এলেম মধুকর মালতী পুষ্প মধু পান কর্ছিল; আবার এখানে এসে গুন গুন কচুে দেখ্‌।

রত্না। গুর মুখে আশুগ, ওকি এক ঠাঁই থাকে নাকি?

মুর। শচীদেবী! এখন তোনার সুরপতি কেমন?

শচী। সখি! আর তাঁর কথা জিজ্ঞাসা করো না। তাঁর কি আর সুখভোগে মন আছে?

মুর। কেন, কি বলেচ?

শচী। বলবেন আর কি? সর্বদাই ব্যস্ত থাকেন।

মুর। কেন শচী? এত ব্যস্ত কিসে? এখন ত ঠৈতাদের তেমন দৌরাত্ম্য নেই।

[ সরসীর কূলে সকলের উপবেশন ]

শচী। দেখ সখি! উর্ধ্বশীর কি অহঙ্কার! এমন যে ছুঁসাগা সখি, তাঁকে দেখলে গায়ের রক্ত শুকিয়ে যায়! তাঁকেই বাজ করেছিল।

মুর। তার তেমনি কল হয়েছে।

তিলো। কেন, মূনি আবার বর দিয়েছেন ত।

শচী। সে মিছে বর; তা হবার নয়।

মেন। কেন হক্কর নয়? দেবতার মনে করলেই হয়।

মুর। (হাস্য মুখে মেনকায় প্রতি) ইনিও একটী কম নন।

মেন। (হাস্য মুখে) দেবি! দেবতারা আমাদের যখন যেমন আক্রা করেন, আমাদেরিগে তাই করিতে হয়।

শচী। সখি! তোমাদের এই কথাটা আমি বড় বুঝতে পারলেম না।

মুর। শচীদেবী! তুমি কিছুই বুঝতে পার না, আর তোমার মনে কিছুই থাকে না।

শচী। কৈ কি কথা, তাই ভেঙ্গেই বল না?

মুর। আঃ! কি দায়! সে দিন যে বিশ্বামিত্র ঋষির ধ্যান ভঙ্গ করতে মেনকা গিয়েছিল না?

শচী। হাঁ হাঁ বটে! ও লো মেনকা!

মেন। দেবি! কি আক্রা হয়?

শচী। সেই বিশ্বামিত্রের ধ্যান ভঙ্গ তুই কেমন করে করলি না?

মেন। কেন, তার আশ্চর্য্যই বা কি?

মুর। শুনেছি তিনি না বড় রাগী?

মেন। তা হলেই না!

শচী। (সহাসে) আমাদের মেনকা সে ভয় করে না।

মেন। ভয় কেউ করেন না; আপনারা মনে বুঝে দেখুন।

শচী। তাই বটে! এখন বল কি করে কি করলি?

মেন। উচিত কথায় রাগ করেন কেন?

শচী। না রাগ করি নাই; তুই বল।

মেন। তবে শ্রবণ করুন। সুরপতি বসন্ত রাজাকে আক্রা দিলেন যে তুমি সপরিবারে সেই খানে যাও।

শচী। আঃ! সে দিন মনে হলে এখনও ভয় পায়।

মুর। শুধু তোমাদের ভয় নয়, সকল দেবতারই ভয় হয়েছিল। (মেনকার প্রতি) তার পর?

মেন। তার পর আমরা ত সবাই গেলেম; গিয়ে দেখি যে একটা বিকট মূর্তি, মাথায় জটা! (সকলে হাসা) সর্ব্ব অঙ্গে ছাই মাখান! লম্বা লম্বা দাড়ি! চক্ষু ছুটি বুজে বসে রয়েছে!

সকলে। (উচ্চ হাসা) তার পর?

মেন। এমনি তেজ, যেন সাক্ষাৎ সূর্য্যদেব!

মুর। তার মন্দেহ কি?

মেন। দেখে এমনি ভয় হলো যে নিকটে যেতে কেউ পারলে না!

শচী। তুই কি করলি?

মেন। আমি বললে না প্রত্যয় যাবে, আমি তাঁর সাক্ষাতে ভয়েতে কাঁপতে লাগলেম। দেবি! সেই সময়ে আবার কি মধুময় সময় উপস্থিত হলো!

শচী। (সহাসে) মেনকা সেই মূনির জন্যে তাঁর মন কেমন করে না রে?

মেন। দেবি! আপনাদের অনুগ্রহে আমি যে কার জন্যে কাঁদবো, তা ভেবে আর ঠিক করতে পারি না।

মুর। কেন, মূনিরা কি ভাল করে কথা কৈতে জানেন না?

মেন। (পরিহাসে) কেন, জানবেন না কেন?

মুর। তাঁরা চির দিন অনাহারী, সর্ব্ব সুখে বঞ্চিত।

রক্তা। তা আর হতে হয় না। কামিনীতে কেউ বঞ্চিত নন। (মেনকার প্রতি) তার পর?

মেন। তার পর যেন অমৃত বর্ষণ হতে লাগিল। এক দিকে কোকিল কুছ কুছ ধ্বনি করতে লাগিল; আবার

ভ্রমর গুন গুন স্বরে গান করতে আরম্ভ করলে;  
মলয়া বাতাস দিতে লাগিল; শুষ্প সকল প্রস্ফুটিত  
হলো; তার সৌরভে বন গর্জিত আমোদ করলে;  
তাতে প্রথম চৈত্র মাস, পূর্ণিমারে রাত্রি, শশধর  
কিরণ পৃথিবী এমনি আলো করলে! কি আর  
বলিব দেবি, এ সময়ে রতি নাই। সে যদি থাকিত,  
তবে আরও কত গুণ্ডে পেতেন।

মুর। আ! রতির অগম্য কোন স্থান নাই!

তিলো। দেবি! সেই ত ও সব কর্মের মূলাধার।

শচী। তা ত মিথ্যা নয়! ভুঁদের ছুটিকে নমস্কার! ঘর  
উপর যখন লাগেন, তার সর্কনাশ করেন আর কি।

মুর। (সহাস্যে) শচী দেবী! তোমারই অপিক ভয়।

শচী। (সহাস্যে) ওলো মেনকা বল না তার পর তোরা  
কি করনি?

মেন। তার পর মদন পঞ্চবাণে ঋষির বক্ষঃস্থল ভেদ  
করলে।

সকলে। (সকৌতুকে) তার পর, তার পর কি হলো?

মেন। তার পর তিনি যেই চেয়েছেন, রতি মদন অমনি  
কোথা পালিয়ে গেল আর দেখতে পেলেম না।

শচী। (সহাস্যে) হাঁ পালাবেন টৈ কি? ঘর পোড়া গরু  
সিঁছুরে মেঘ দেখে ভয় করে।

মুর। ধন্য মদনের সাহস!

শচী। ভগবান ভবানী পতি, তাঁরই ধ্যান ভঙ্গ করতে  
গিছিলো।

মেন। দেবি! উচিত বলতে হয়, রাগ টাগ করবেন না।

• ভয় যে কাষেকাষেই করতে হয়। দেবতারা



আপনার কাঁধের জন্য আমাদেরিগে যখন বা আন্তা করেন, তাই করতে হয়, আর আমাদের যখন সর্বনাশ হয় তখন আর কেউ কোথাও থাকেন না।

মুর। ও লো! তাতে ত তোর কিছু অসুখ নাই! এখন বল কি হলো।

মেন। আমি মরি আর বাঁচি, সেইখানেই দাঁড়িয়ে রইলেম।

শচী। খুব তোর ভরসা যা হুক। তার পর?

মেন। তার পর তিনি আমার সুখ পানে চেয়েই রইলেন।

শচী। আর কি করলেন?

মেন। তার পর আর কি? আবার কি করবেন?

[ নীরব ]

মুর। শচীদেবী. আরও শুনতে চাও না কি?

শচী। দেখ, আমাদের অমর কুলের নারীর মধ্যে রতি যেমন চতুরা অমন আর ছুটি নাই।

রস্তা। কেমন চুপে চুপে শয়রের দাসী হয়ে থেকে আপনার কার্য সিদ্ধি করলে!

শচী। (সহাস্যে) আমাদের রস্তা সব জানেন; যে যা করে।

রস্তা। দেবি! আপনারা হচ্ছেন অমর্যামি, সকলই জানতে পারেন। আমরা ত তা নই, আর মনেও কপট নাই; যখন বা শুনি অমনি বলে ফেলি।

[মধ্যস্থ শব্দস্বনি]

সকলে। (সচকিত চতুর্দিক্ অবলোকন করিয়া) ইঃ! কথায় কথায় বেলাটা চের হয়েছে রে। চল চল ঘরে যাই।

[ সকলের প্রস্থান ]

## দ্বিতীয় অঙ্ক।

### দ্বারাবতী।

নারদের প্রবেশ।

নার। আমি অমরাবতীতে শুনে এলেম, মহর্ষি ছুর্কাসা উর্ধ্বশীকে অভিনম্পাত করেছেন; তা উর্ধ্বশী এক্ষণে অবন্তী-রাজগৃহে অবস্থিতি করিতেছে, আর ইন্দু ও তাহার নিমিত্ত অত্যন্ত ব্যাকুল হয়েছেন। অনেক দিন বিবাদটাও লাগান হয় নাই। আমি নারদ, এমন সুযোগে চূপ করেই বা কি করে থাকি? কলহ বাহাতে শীঘ্র লাগে এমন উদ্‌যোগ কর্ত্তে হলো। খুব একটা যুদ্ধ হয় কিসে?

[ নয়ন নিমীলিত করিয়া মনে মনে চিন্তা। ]

হাঁ হয়েছে। এক বার যাই দ্বারাবতী, কৃষ্ণকে এই সংবাদ দিয়ে আসি। তিনি শুনলেই হবে। বীণাটা ভাল করে বাঁধি। (উচ্চহাস্য ও বাহ তুলে নৃত্য করিতে করিতে উচ্চস্বরে গান।)

গীত।

ওহে কৃপা সিন্ধু, তুমি দীন বন্ধু, পাপ সিন্ধু মাঝে, পতিত এ জন।  
নিস্তারিতে জীবে, হরি নাম ভবে, ভবারাধা তুমি, করেছ খারণ ॥  
ভজন পূজন, হীন ক্ষীণ দীন, কি হইবে গতি, তারি নিশি দিন।  
যদি দয়া করি, দয়ায় হরি, দিয়ে চরণ তরি, করহে তারণ ॥

[স্থান]

দ্বারকা রাজাসংগুরে রুক্মিণী সত্যাতমা আধুবতী কাশ্মিন্দী লক্ষ্মী ও  
পরিচারিকার প্রবেশ।

সত্য। দেখ দিদি, আমি বুঝতে পারিনা তাই তোমার

লক্ষ্যে ককড়া কদের মরি; তা আমার মাথা খাও  
বোন, মনে টোনে কিছু করো না।

রুশ্মি। স্বপত' ইনি যে আজি বড় ভাল মানুষ দেখ্‌চি !  
(প্রকাশে) সত্যভাষা তোমাকে যে বড় ব্যস্ত দেখ্‌চি '  
কেন, কথাটাই কি বল না।

সত্য। আজি নাবদ কেন এসেছিল তা জান !

রুশ্মি। হেন, নাবদ ও প্রায় আসে, সে ত আজি নতুন  
আসে নাই। কেন, কি হয়েছে !

সত্য। কি হয়েছে তা শুনবে !

রুশ্মি। হা বল।

কালি। (ভাঙ্গুবতীর প্রতি জনাব্দিকে) দেখ মেজদাদ, সেদিন  
সেজাদ একটি ফুলের জন্যে বড়দাদির সঙ্গে কি  
না করলো! আবার আজি দুজন ভাব দেখ।  
বাবা ওঁদের ভাল দোষা যাব না।

জাম্ব। তা ঘব করতে সঙ্গে অমন হয় বোন। চূপ কর, কি  
কথা করে শুনিয়ে।

সত্য। কেজানে বোন, কোন রাজী নান হতে একটা ঘুঁড়ি  
ধবে এনেচে।

রুশ্মি। তা এনেচে, তা তুমি অমন কচ কেন !

সত্য। আ 'আগে শোনই না, সেটা বহুকপী।

রুশ্মি। সে আবার কেমন ?

সত্য। আবার মানুষ হয়।

সকলে। দুঃ! ও মিছে কথা !

সত্য। না মিছে নয়; উনি যে সেখানে দূত পাঠিয়ে দিলেন।

রুশ্মি। কেন দিলেন ?

সত্য। ইনি দূতের পাঠালেন।

রুক্মিণী । কি বলে চাইলেন ?

সত্য । ত্রিকৈ স্বরূপ ।

কালি । অবাক ! এর যে আর কিছুতেই কিছু হয় না ! এত আমরা এত গুল, আর বালক-কালের কথা শুনি যে গোপের মেয়ে কত ছিল ! ছি না ছি ! এ কি লজ্জার কথা ! এখন আর এত বয়েসে ও সকল ভাল দেখায় না । ছেলে পিলে সব শুনে কি মনে করবে ?

জাম্বু । ঐ তাই নারদ আসে, আর উনিও তাকে বড় ভাল বাসেন ?

কালি । আজি নারদ কি মনে করে এসেছিল বোন্ ! দাঁড়িয়ে দাঁড়িয়ে অমনি চলে গেল ।

রুক্মিণী । তবে তোমাদেরও ঘরে গিয়েছিল নাকি ?

জাম্বু । হাঁ, আমার ওখানে গিছিল, কিছু বলেন না । আমি প্রণাম করে বসতে আসন দিলেম ; তা বসল না ।

রুক্মিণী । ওর কেবল বিবাদ লাগাতে আসা বৈ ত নয় !

সত্য । ঐ বুড়ই ত ঘরে ঘরে ঝকড়া লাগিয়ে দিয়ে যায় । ও না মলে আর আমাদের সুখ হবে না বোন্ ।

রুক্মিণী । ওর কি মরণ আছে ? ও যে অমর ।

লক্ষণা । ঠাকুরাণি, আপনারা যে কথা বলছিলেন, আমিও তাই শুনেছি ।

রুক্মিণী । তুমি কোথা শুনলে ?

লক্ষণা । আমি কোথা শুনলেম ? বটঠাকুর আকি ছুপন বেলি বড়দিকে ঐ বলছিলেন ।

জাম্বু । কি বলছিলেন ?

লক্ষণা । এই বলছিলেন যে, উর্ধ্বশী ত মূর্খের মূর্খের রাজার ঘরে আছে ।

- নন্দ্য। (বাস্ত হইয়া) তার পর ?
- লক্ষ। তার পর তিনি বলেন যে, পিতা মহাশয় তাই শুনে তাকে আনতে দূত পাঠালেন।
- জাম্বু। যদি সে না দেয় ?
- লক্ষ। তাও শুনলেম, না দেয় ত জোর করে আনবেন। আমি বাইরে হতে এই শুনলেম, আর কি বলেন তা শুনতে পেলেম না।
- সকলে। (দীর্ঘ নিশ্বাস) হেঃ! এতদূর পর্য্যন্ত !
- রুক্মি। উর্ধ্বশীটা কে? কার মেয়ে রে? তার নাম ত কখন শুনি নাই।
- লক্ষ। মা, আমি বোধ করি বড়দি তাকে জানে।
- রুক্মি। তবে এক বার রতিকে ডেকে আন ত।
- লক্ষ। এখানে কে আছিস্ রে ?
- পরি। কি আজে ?
- লক্ষ। ওরে, তুই একবার বড়দিকে এখানে শিগিগর ডেকে আন ত।
- পরি। যে আজে।

[প্রস্থান]

রতির প্রবেশ।

- রতি। (প্রণাম করিয়া) কেন মা? আমাকে ডেকেচেন ?
- সকলে। এস, বাছা জম্মাইতি হয়ে থাক।
- রুক্মি। (রতিকে কোলে করিয়া) আমি এখন এদের মুখ পানে চাইলে সব ভুলে যাই।
- লক্ষ। বড়দি, সেই তখন তোমরা যার কথা বলছিলে, বল না।

[রতির নয়ন ভঙ্গি দ্বারা লক্ষণাকে নিবেদ্য]

জামু । ( রত্নির প্রতি ) উর্ধ্বশী কে? কোথা থাকে?  
কি তাকে জানি বাছা?

রত্নি । হাঁ মা, জানি । সে যে স্বর্গের বিদ্যাধরী ।

কালি । ( স্বগত ) উঃ! সামান্য মেয়ে নয়!

মত্না । (দীর্ঘ নিশ্বাস ভাগ করিয়া)

সে স্বর্গের বিদ্যাধরী, না জানি কেমন নারী,  
শুনে মনে বড় পাই বাধা ।

উপায় না দেখি ভেবে, সবার আদর ধানে,  
সে ধনী যদিও আসে হেথা ॥

কি দায় ঘটালে এসে, নারদ সে সর্বনেশ,  
কি সংবাদ দিলে হায় হায়!

একে গর্তীনের জ্বালা, নদী প্রাণ বাল্য পাল্য,  
হইল দায়ের পর দায় ॥

কালি । সেজ্জ্দিদি, তুমি কি ভাবচ?

মত্না । কি আর ভাবব?

জামু । ( স্বগত ) রত্নিকে একবার ভাল করে জিজ্ঞাসা করি  
( রত্নি প্রতি নিরীক্ষণ )

রত্নি । ঠাকুরাণী, কি আশ্চর্য হয়?

জামু । মনে বড় লজ্জা হয়, তোমাকে গো এ বিষয়,  
জিজ্ঞাসা করিতে বার বার ।

বল দেখি বিধুযুগ্মি, মানবী সদৃশ সে কি,  
অপ্সরার কেমন আকার?

রত্নি । মা,

বর্ণিব কি একাননে, রূপবতী ত্রিতুবনে,  
তার সমা দেখি না নয়নে ।

## উর্ধ্বশী মটিক।

জানে কীত বাদ্য নৃত্য, দেবের মোহিত চিত্ত,  
করে ধনী আপনার গুণে।

চিরদিন অনাহার, অস্থি চর্ম মাত্র নার,  
উপস্য করেন যেট যোগী।

হেরিলে উর্ধ্বশী মুখ, বিমার্জ পবিত্র মুখ,  
তখনই হয়েন অনুরাগী।

সত্য। দিদি, এতক্ষণে বুঝলেম সেই যার কথা পুনশ্চ  
আছে। সেট উর্ধ্বশী স্বর্গের বেশা; তার অনেক  
বয়েস্।

রতি। না মা. সে চির-যৌবনা। যেমন রূপ, তার চেমন  
গুণ?

লক্ষ। রুদ্দি, সত্যি করে বল দেখি, সে কি তোমার  
চেয়েও সুন্দরী?

রতি। দূর পাগল! মুনি ঋষিদের ধ্যান ভঙ্গ করবার জন্যে  
দেবতার তাকে সজ্জ করতেন।

রুক্মি। (পরিহাসে সত্যতায় র প্রতি) এইবারেই প্রতুল! সে  
এলে আর কারই আদর থাকবে না।

সত্য। (সংগে) না থাকে নাই! তার আবার ভয় কি!

[সকলের প্রস্থান]

অনুপূরে উষা ও চত্রলেখার প্রবেশ।

উষা। সখি, শিগ্গর করে আমার মাথা বেঁপে দাও;  
আজি আর অনেক গহনা পরিয়ে দিও না। এই  
দেখ বেলা নাই, তুমি সজ্জীত-শালাতে গিয়ে  
নিপুণিকাকে নৃত্য করতে বল গে। আর তুমি  
আপনি বীণা বাজাও গে। কেন সখি, তুমি অমন

করে রয়েচ কেন? তোমার কি হয়েছে? কেন চুপ করে রয়েচ? কথা কও না।

চিত্র। রাজকন্যা, আজি সত্যভামা দেবী আমাকে আজ্ঞা দিলেন,—

উষা। কি আজ্ঞা দিলেন?

চিত্র। তিনি এই বল্লেন যে, ওলো চিত্রলেখা, তুই যেমন করে প্রত্নায়ের পুত্র অনিরুদ্ধকে চুপে চুপে হরণ করে সেই বাণ রাজার কন্যা উষার অন্তঃপুরে নিয়ে রেখেছিলি, তেমনি করে দেব রেবতীনাথকে কোন গোপনীয় স্থানে রেখে আয় দেখি।

উষা। প্রিয় সখি, তাঁর কথায় তুমি কি উত্তর করলে?

চিত্র। আমি স্বীকার করেছি।

উষা। (হাসি বদনে) সখি, তোমাকে সকলে কুহকিনী বলে; আরও বলবে যে?

চিত্র। তা বলুক।

উষা। তবে কেন ভাবচ?

চিত্র। ভাবনা এমন কিছু নয়, আমার বলদেবকে বড় ভয় করে তাই।

[উভয়ের প্রস্থান]

অন্তঃপুরে সত্যভামা এবং রুক্মিণীর প্রবেশ।

রুক্মি। সত্যভামা, বট্টাকুরের সঙ্গে কি তামাসা করা ভাল দেখায়?

সত্য। দিদি তুমি চুপ করে থাক না। দেখ; হুকু না কেন।

রুক্মি। দূর পাগল! কি দেখব? তিনি যে রাগী, দেখ চিত্রলেখার কপালে কি করেন।

সত্য। কি করবেন? তাকে কি তিনি দেখতে পাবেন?



দূরে অছায়নের প্রবেশ।

সত্য। (নিরীক্ষণ করিয়া কৃষ্ণ অঙ্গে) দিদি চূপ কর, এঁ দেখ  
উনি আবার আসছেন।

[উভয়ে উচ্চহাস্য]

প্রহ্লা। (স্বগত) আজ মা কেন আমাকে দেখে এমন করে  
হাসছেন আর কি বলছেন? এখন ঘাব না। এই  
খানে একটু দাঁড়াই।

সত্য। আবার ভঙ্গী করে এখানেই যে রইলেন? (হাস্য)  
দিদি তুমি এক বার ওঠ না।

রুক্মি। আমি উঠে কি হবে?

সত্য। গুঁর হাত ধরে নিয়ে এস না।

রুক্মি। তুমি যাও না।

সত্য। তুমি ডাকুলিই এখন আসবেন।

রুক্মি। (স্বগত) তোমার সাক্ষেতে ত নয়। (প্রকাশে) সত্য-  
তামা, তুমি এত ব্যস্ত হও কেন? (প্রহ্লায়কে নিরীক্ষণ  
করিয়া সত্যভাষার প্রতি) আ মরণ আর কি! এ  
কারে দেখে এমন করে রে? এ যে মদন!

সত্য। (সলজ্জ) ও মা ভাই ত! কোথা যাব! কি লজ্জা!  
কি লজ্জা!

[সকলের প্রস্থান]

অনুপূরে উষা এবং চিত্রলেখার পুনঃ প্রবেশ।

চিত্র। (সহাস্য মুখে) রাজকন্যে, রেবতী দেবীকে তুমি কি  
বলে?

উষা। আমি এই বলেছি যে, বর্চঠান দিদি, আপনার  
উদ্যানে যে লজ্জীত-শালা আছে, সেইখানে ঠাকুর-  
দাশ নৃসিংহীকে নিয়ে কি করেন তা কিছু জানেন?

- চিত্র । তোমার কথা শুনে তিনি কি বল্লেন ?  
 উষা । তিনি কিছুই বল্লেন না, চুপ করে রইলেন ।  
 চিত্র । রাজকন্যা, অনেক রাজি হয়েছে, তুমি শয়নাগারে  
 যাও ; আর কেন ? যাই, আমিও শুই গে ।  
 উষা । তবে যাই ।

[ উভয়ের প্রস্থান ]

উপবনে রেবতী এবং পরিচারিকার প্রবেশ :

- পরি । দেবী, একটু ধিরি ধিরি চলুন ; এ পথ বড় ভাল  
 নয় ।  
 রেব । (সভয়ে) স্নুদেবি, তুই আমার হাত ধরে নিয়ে  
 চল । আর ভাল পথ দিয়ে চল ।  
 পরি । দেবী, ভয় কি ? আসুন এই পথ দিয়ে ।  
 রেব । ওরে স্নুদেবী !  
 পরি । কি আজ্ঞে ?  
 রেব । আমরা কোথা দাঁড়াব বল্ দেখি ?  
 পরি । তার ভাবনা কি ? আসুন ।  
 রেব । পাছে কেউ দেখতে পায় রে ?  
 পরি । না দেবী সে ভয় নাই, চলুন ।  
 রেব । আজি এক খান কর্‌বই কর্‌ব ।

[ উভয়ের প্রস্থান ]

অট্টালিকার মধ্যে বলরামের নিত্রান্তত্ব ।

- বল । (ইতস্তস্তঃ নিরীক্ষণ করিয়া) এ কি ! আমি কোথায়  
 এলেন ? এ ত অন্তঃপুর নয় । কি ? আমি কি এ  
 স্থল দেখ্‌ছি নাকি ? না, তাই বা কি করে বল্‌ব ?

আমি ত নিদ্রিত নই। তাই ত, কি আশ্চর্য্য! কখন ত এমনি হয় না! সকলে বলে নিশিতে পিশাচীতে নিয়ে যায়; আমি ত তা কখন বিশ্বাস করিতাম না। এ কি? আমার এ ভ্রম, আর কিছু নয়। কি কোন কুহকিনীর কুহকে পড়িলাম? রাত্রি এখন কত তাও যে জানতে পার্বেম না।

[ নেপথ্যে কোকিলের ধ্বনি ]

না, আর অধিক রাত্রি নাই। (আরক্ত লোচনে চতুর্দিক্ নিরীক্ষণ)

গবাক্ষ পথে বেবতী এবং পরিচারিকার প্রবেশ।

পরি। (জনান্তিকে) দেবী, আপনি যে রাগে বড় কঁপছেন; স্থির হউন।

বেব। সুদেবী, দেখু এঁর এক বার ভঙ্কীটা দেখু। ইঃ! চোখু ছুটো এক বার লাল হয়েচে দেখু।

পরি। দেবী, গুর ত সহজেই এমনি রাক্ষা চোখু।

বেব। (স্বগত) এ আবার কি? এ ত নির্জন স্থান। কে যেন কি বলচে।

পরি। (সতয়ে) দেবী, ঐ দেখুন চুপ করুন; উনি টের পেয়েছেন বুঝি।

বেব। আরে না, টের পান নাই!

বেব। কে রে?

উভয়ে। তাই ত কি হবে?

বেব। হাঁ, পেড়িই ত বটে। পাপীয়সী, আমার নাম বলতত্র, আমি ক্রোধ করলে ত্রক্ষাও বিনাশ করতে পারি। আমার কাছে মরতে এসচ? (অমনি পালক হইতে লক্ষ)

পরি। দেবী, কি হবে, কোথা পাবার?

[বলরাম শকাছনারে বেগে এক দিকে গমন, এবং  
রেবতী ও পরিচারিক। অন্য দিক্ দিয়া পলায়ন]

পরি। দেবী ঐ ধরুলে, চলুন চলুন। (রোদন)

রেব। আরে, চুপ্ কর্ চুপ্ কর্।

[সকলের প্রস্থান]

অন্তঃপুরে রেবতী সভাতামা উষা ও চিত্রলেখার প্রবেশ।

চিত্র। (হাস্য মুখে) দিদি ঠাকরুন্ প্রণাম।

[সকলে হাস্য]

উষা। ঠান দিদি, চিত্রলেখাকে পুরস্কার দিন্।

রেব। আমি দেব কেন?

চিত্র। তবে কে দেবে?

রেব। তুই যার কাজ করলি সেই দেবে!

সভা। ও লো চিত্রলেখা, পুরস্কার নিবি তা কি করলি  
বল্ দেখি?

চিত্র। (সহাস্য) দিদি ঠাকরুন্, কাজ না করলে কি কেউ  
কারু কাছে কিছু চাইতে পারে?

রেব। তবে যেমন কর্ম তেমনি পুরস্কার পাবি।

চিত্র। তা কেন হবে?

[সকলে উচ্চ হাস্য এবং প্রস্থান]

দণ্ডীরাজ্যার নিকেতন।

মন্ত্রীদ্বয়ের প্রবেশ।

প্রথম। (স্বগত) যে দিন হতে ঐ অলক্ষণে হুঁড়িটা এসেচে,  
সেই দিন হতে মহারাজের মনটো কেমন হয়েছে  
যেন।

দ্বিতী। মহাশয়, আপনি মনে মনে কি ভাবছেন?

প্রথ। আর কিছু নয় হে, মহারাজের লক্ষণ ভাল নয়।

দ্বিতী। তাই ত মহাশয়! আর রাজকার্য্য কিছুই ত করেন না!

প্রথ। করবেন কখন? তামাম দিন ত কেবল ঘুমিয়েই থাকেন।

দ্বিতী। যদিও উঠেন, তখনই অমনি সেই উদ্যানে বেড়াতে যান। রাজ্য হয়ে রাজকার্য্য না করলে ছুর্নাম আর শত্রুবৃদ্ধি হয়।

[উভয়ের প্রস্থান।]

উদ্যানস্থ সরোবরে অগ্রে মালতীর প্রবেশ, পরে উদ্যান মধ্যে  
মাধবীর প্রবেশ।

মাধ। বলি ও মালতী! ও লো মালতী! তুই কোথা গেলি লো?

মাল। আ মর! আমি এই যে ঘাটে লা। অমন করে গোল করিস্ কেন্ লা? হেথা আর না লা।

মাধ। এখন তুই নাস্নে লো, নাস্নে। আগে কুল তুলসে; রাজ মহিষী কুল নে যেতে বলেচেন।

মাল। (উচ্চস্বরে) চের বেলা হয়েছে রে! ঘরে কত কর্ম্ম আছে। আমি শিগির করে নেধে নি; তুই কুল নে আর।

মাধ। (কুল লইয়া) ঘরে আগে চল না?

মাল। কেন, তুই কি করবি?

মাধ। আমি রাণীকে বলব, মালতী কুল তোলে নাই।\*

মাল। তাই বলিস্।

[অবগাহনান্তর উভয়ের জন্ম।]

মাল। এই বাগানে তখন আমরা রোজ্ রোজ্ বেড়াতে আসতুম লো।

মাধ। হেঁ লা মালতী দিদি! এখন মহারাজ এখানে একলাই আসেন, আর রাণীকে নিয়ে আসেন না। কেন্ লা?

মাল। ধর্ম জানেন? কেমন করে জানর বোন?

মাধ। রাজা ত এখন রাতিরেও ঘরে থাকেন না। রাজমহিষী কত মনে দুঃখ করেন; রাজা আর তেমন ভাল বাসেন না। তবে রাজা আর কোথাও যায় লো, তাই অমন করে?

মাল। কে জানে? (অশ্বগৃহের প্রতি নির্দীক্ষণ করিয়া) এই যে আবার এখানে একটা নতুন ঘর হয়েছে!

মাধ। দিকি ঘরটি করেছে। ওর ভিতরে এক ব্যর তুকে দেখি চ না দিদি!

মাল। না গো না; কাজ্ নাই। রাজা এখানে সখদাই আসেন; আমার বড় ভয় করে বোন।

মাধ। এখন রাজা কোথা লা? ছুপর হেলা, এতক্ষণে বৈটকখানায় ঘুমুচ্ছেন।

মাল। তবে চ লো; শিগির করে; কেউ দেব্বে টেক্বে বোন!

মাধ। কেন? আমাদের ভয় কি? আমরা রাজমহিষীর সখি, আমাদিগে কে কি বলবে?

। উভয়ের গৃহমধ্য প্রবেশ।

মাধ। ও লো দিদি দেখ্ লো, ঘরের একবার সজ্জা দেখ্।

মাল। তাই ত লো! আছা! এমন ঘরে রাণীকে নিয়ে আসেন না; বড় মনে দুঃখ হয় বোন।

- মাধ। (ধাক্ক হইয়া) ও লো দিদি, দেখ্‌লো! স্বপ্নের ভিতরে একটা ঘোড়া রয়েছে লো! ভাগ্যি আমাকে মারে নাই! একটা নাথি মেলেই অর্মান মরে যেতম বোন!
- মাল। অবাধ্‌ করেছে! তুই যে গেলি লো! টেক ঘোড়া টেক! ও মা ভাই ত!
- মাধ। ওর মুখের দিগে যাস্নে লো! কামড়ে টামড়ে দেবে।
- মাল। ভাই, এমন ঘোড়া ত কখন দেখি নাই; সুবুদ্ধি আর দেখতেও মন্দ নয়। সর্বাঙ্গ সুন্দর। আহা! দেখে চক্ষু জুড়ায় ভাই।
- মাধ। হাঁ ভাই, এ কথা সত্যি। এমন চমৎকার ঘোড়ার গড়ন কোথাও দেখি নাই। আর কেমন সতেজ দেখ্‌চ?
- মাল। মাধবি, তুই হোথা কেন? এদিগে আয়না না।
- মাধ। কেন, ওর কাছে গিয়ে কি হবে?
- মাল। আমার ইচ্ছে হয় ভাই ওর গায় হাত দি।
- মাধ। তা দেনা লা।
- মাল। তুই সরে আয় না, কিছু বল্বে না।
- মাধ। না! বল্বে না। ওকে কি বিশ্বাস আছে লা? পশু বৈ ত নয়।
- মাল। হক্‌ পশু।
- মাধ। তা কি আজি সমস্ত দিন ঘোড়া নিয়েই থাকতে হবে নাকি?
- মাল। তা যাব তার এতই কি? আর একটু থাক্‌ না লা।
- মাধ। (হাস্য মুখে) তুই যে কচ্চিস্‌, যেন বিয়েই বা কর্‌বে কেলিস্‌। হেঁ লা, এটা ঘোড়া না ঘুঁড়ী?

মাল। পোড়া কপাল আর কি! এমন গড়ন কখন  
ঘোড়ার হয়ে থাকে?

মাধ। না হক! আজি বুঝি ঘরে যেতে হবে না?

মাল। বাই চল। আবার এক দিন এসে দেখে যাব।

[সকলের প্রস্থান]

উপননে দণ্ডী রাজা ও ভক্তোর প্রবেশ।

রাজা। আঃ! এখনও যে বেলাটা অনেক আছে! কতক্ষণে  
সন্ধ্যা হবে? (দীর্ঘনিশ্বাস ত্যাগ করিয়া) হে সূর্য্য-  
দেব, আপানি শীঘ্র স্বস্থানে গমন করুন। (চতুর্দিক্  
ক্রমণ ও পুষ্প চয়ন; পরে জয় গানের নব্বা প্রবেশ পূর্ব্বক  
অস্থিনীর নিকটে গমন, ও অঙ্গে হস্ত দিয়া মুখ চয়ন)  
প্রিয়ে, তুমি পৃথিবীর চুল্লভা। তোনার এমন  
অবস্থা! হা জগদীশ্বর! সকলই তোমারই হক্ষে!  
(দীর্ঘনিশ্বাস, পুনর্বার বাহিবে গমন, ও জ্বালাশে নিরীক্ষণ)  
আর বেলা নাই; সন্ধ্যা আগত। এখানে কে  
আছি সু রে? শীঘ্র আলো জ্বলে দে।

ভৃত্য। যে আজ্ঞা। (স্বগত) এই রাজা বেটা পাগল হয়েছে,  
তার আর কোন সন্দ নেই। তাহাম রাত্তিরটা  
এই আস্তাপোলে একা পড়ে থাকে। কি করে তা  
ভগবান জানেন। অমন সুন্দরী রাজমহিষী, সে  
বিচ্ছেনায় পড়ে পড়ে কান্দেছে। আর কি করবে?  
লোকে বলে বড় মানুষেরা যা করে তাই নাঙ্গে।  
আমাদের মতন ত নয়, যে পরের ঘরে চাকরি করি।  
যদি কোন দিন যেতে একটু রাত্তি হয়, তবে অমনি  
মাগি কাঁটা নিয়ে মাতে আসে; বলে, মুখ পোড়া



এতক্ষণ কোথা ছিলি? সকলই ভগবানের মরজি।  
বাই, আর কি করব?

[প্রস্থান]

উর্ধ্বশীর স্বরূপ ধারণ।

রাজা। (স্বগত) আহা! এমন সুন্দরী কামিনী ত আমি  
কখন চক্ষে দেখি নাই। আর দেখবই বা কেমন  
করে? আমিও ত বড় নির্বোধ! লোকে কথায়  
বলে যেন স্বর্গের বিদ্যাধরী; প্রিয়ে উর্ধ্বশী ত  
সামান্য একটা রমণী নন! (নিকটে গিয়া হস্ত ধারণ  
পূর্বক) প্রিয়ে, আজি প্রায় সমস্ত দিন তোমারই  
কাছে রয়েছি। আর রাজ্যের কোন কাজই  
করতে পারি না। সকলই মন্ত্রীর উপর ভারার্পণ  
করেছি। কেবল তোমারই ঐ মুখ খানি মনে  
মনে ভাবি। প্রেয়সী, দেখো দেখো, এই দাসানু-  
দাসকে অনুগ্রহে রেখ। আমি নিতান্ত তোমারই  
অধীন।

শুন লো প্রেয়সী, রূপসী উর্ধ্বশী, দিনে রই উদাসী,  
বিনে দরশন।

হলে সুখ নিশি, সুখার্ণবে ভাষি, প্রকাশিলে তব,  
ও শশি দ্বন্দন ॥

দেখো ধনী দেখো, এই ভাবে ধেক, ভুলনাক যেন,  
অনুগত জন।

বলে কি জানাব, জীবন বিভব, সব তব পদে,  
করেছি অর্পণ ॥

উর্ধ্ব। নাথ! কেন কেন, তুমি এত কাতর হচ্ছ কেন?  
আমি নিতান্তই তোমারই; আমার আর কি  
উপায় আছে বল দেখি?

কেন হে রাজন, বল কি কারণ, হয় তব মন,  
উচাটন এত।

করেছি এখন, তোমাতে অর্পণ, এ জীবন মন,  
জন্মেরই মত।

তৈল। মুনিবর, মম রূপান্তর, হয়ে স্থানান্তর,  
অসিলাম কত।

করি অনুগ্রহ, করিলে হে স্নেহ, তাই হে এ দেহ,  
করেছি বিক্রীত ॥

[উপবেশন।]

মহারাজ, তুমি কি আমাকে বড় ভাল বাস ?

রাজা। প্রেয়সি! সে কথা তোমাকে কি করে জামাব ?  
কত ভাল বাসি তা আমিই জানি, আর ধর্ম জানেন।

উর্ক। এ কি মহারাজ! আমি কি তোমাকে অন্ন করে  
দিকি করতে বল্লম? এক হাতে কি তালি  
বাঞ্চে বল দেখি? তুমি ভাল বাস, তাই আমিও  
তোমাকে ভাল বাসি।

রাজা। আহা সুধামুখি! তোমার ঐ করা শুনে আমি যে  
কি পর্যন্ত সুখী হলেন তা আমিই জানি। একে ত  
তুমি পৃথিবীর তর্জনা, তাতে আবার সুরসিকা,  
আমার অনেক ভাগ্য, তাই তোমাকে পেয়েচি।

উর্ক। মহারাজ! ভাল বাসা উভয়ের না হইলে কি কখন  
হয়ে থাকে?

রাজা। (সবিনয়ে) প্রেয়সি! আর অধিক বলতে হবে না।  
তুমি যে আমার প্রতি সুপ্রসন্ন আছ, তা আমি  
জানতে পেরেচি। আমি তোমার দানের যোগ্য  
নই।

উর্ধ্ব। অমন কথা বলো না মহারাজ। তুমি হচ্ছ পৃথিবী-  
বীথর, আমি স্ত্রী; আমি তোমার যোগ্য নই?

রাজা। (সপরিভোষে উর্ধ্বশীর হস্ত ধারণ করিয়া) প্রিয়তমে!  
এস একবার কুসুম উঁদানে যাই।

উর্ধ্ব। চল যাই। নাথ! এই স্থান কি রমণীয়! যেন  
ঋতুরাজ মূর্তিমান্ হয়ে এই খানেই রয়েছেন।  
(উত্তর না পাইয়া) নাথ! অমন করে চেয়ে চেয়ে দেখ্চ  
আর ভাব্চ কি?

রাজা। সুন্দরি, পূর্ণচন্দ্র হতেও তোমার মুখচন্দ্র উজ্জ্বল,  
তাই দেখ্চি।

উর্ধ্ব। (সহাসে) মহারাজ বাহাকে ভাল বাসা যায়, সেই  
সর্বাপেক্ষা উত্তম।

রাজা। না প্রেয়সি, তা নয়। উর্ধ্বশীর উপহার নিমিত্ত  
উত্তমা কামিনী কি আর আছে? প্রিয়তমা! এই  
মালতী-পম্পের মালাটি তোমার জন্যে গাঁথ্চি,  
গলায় পর দেখি। (উর্ধ্বশী মালা ধারণ করিয়া দীর্ঘ  
নিশ্বাস; রাজা সমস্ত্রমে) প্রিয়ে, কেন কেন, তোমার  
মনে কি ছুঃখ উপস্থিত হলো বল দেখি?

উর্ধ্ব। মহারাজ, না, কৈ কিছুই ত নয়।

রাজা। (সকাতরে) না প্রিয়ে, আমার মাথা খাও, বল কি  
হয়েচে।

উর্ধ্ব। মহারাজ, তবে বলি শোন। যখন স্বর্গে ছিলাম,  
তখন এমনি করে দেব ইন্দ্র আমাকে পারিজাতের  
হার দিতেন।

রাজা। চন্দ্রমুখি, আবার কোন্ দিন ইন্দ্র তোমাকে নিয়ে  
যাবেন; কেবল আমারই বিপদ দেখ্চি।

উর্ধ্ব। (সবিম্বাদে) আর মহারাজ, তা কখন হবে না। আর স্বর্গে যাবার ষো নাই।

রাজা। দেখ প্রিয়ে, আমি তোমারই অধীন; তোমা বৈ আর কিছুই মনে নাই। এই দীনের প্রতি সদয় থেক।

উর্ধ্ব। মহারাজ, আর অধিক বলতে হবে না।

[ উভয়ের প্রস্থান ]

### তৃতীয় অঙ্ক।

অবস্ত্রীরাজ নিকেতনে রাজ মহিষী, মালতী, মাধবী ও  
সখীদ্বয়ের প্রবেশ।

মাল। রাজ মহিষি, এমন করে কাঁদলে কাটলে আর কি হবে বল দেখি? একটু স্থির হও; মহারাজ অবশ্যই শীগগির আসবেন।

রাণী। মালতী, আমার আর সে আশা নাই। আমার কপালে যা ঘটবার তা ঘটেছে। হায় নাথ! কোথা গেলে? আর কি আমি তোমাকে দেখতে পাব না? এই হতভাগিনীকে কি ভুলে গেলে? তুমি এমন নিষ্ঠুর ত ছিলে না। তুমি আর এখন আমাকে চক্ষেও দেখতে না, আমি তথাপি তোমার আশায় নিরাশ হই নাই। আবার কোথা গেলে আমাকে পরিত্যাগ করে? মহারাজ, তোমার মনে কি এই ছিল? আমি তোমার বিরহে কি করে জীবন ধারণ করব? আর আমার কে আছে? হায়, আমার কপালে কি এই ছিল? হা পরমেশ্বর! তুমি কি করলে?

মাল। (চক্ষের জল মুছিয়া) রাজমহিষি, স্থির হও;  
তোমার রোদন দেখে আমাদের বড় ভয় হচ্ছে।

রাণী। আমি আর বাঁচিনে, আমার প্রাণ যার।

মাধ। তা কি করবে? দশ দিন গুয়ে থাক। মহারাজ  
তোমারি বৈ আর কারু নন; তখন দেখো পুরুষে  
ত অমন করে থাকে।

মাল। ছুর্ অভাগি! তুই জানিস্ না কি হয়েছে!

মাধ। (জনান্তিকে) হেঁ লা, আবার কি হয়েছে? বলনা  
দিদি!

মাল। বলবো এখন, চুপ কর। (রাজ্ঞী প্রতি) রাজমহিষি,  
তিনি যে গেলেন তা কোথা গেলেন কিছু বলে টলে  
গেলেন?

রাণী। (সরোদনে) তা এমন কিছু বলে গেলেন না।  
কেবল এই কথাটা বল্লেন যে, আমি বনে হতে সে  
অশ্বিনী ধরে এনেচি, তা শ্রীকৃষ্ণকে আমি  
প্রাণান্তেও দেব না এই প্রতিজ্ঞা করেচি,  
বলিই অমনি বাইরে গেলেন।

[রোদন]

মাল। কি সর্বনাশ! তার পর?

রাণী। তার পর কুমার রোদন করতে করতে এনে  
বল্লেন, মহারাজ অশ্বিনীকে একা কোথা গেলেন।  
সখি, যদি তিনি সর্বভাগী হয়ে বিবেকী হলেন,  
তবে আর আমি এখানে থাকি কেন? আমি  
তাঁহার অলুপামিনী হই। তোমরা আমাকে  
ছেড়ে দাও, আমি যাই।

[মূর্ছা]

মাল। হায়! কি হলো! রাজমহিষি স্থির হও।

রাণী । (চেতন হইয়া) মালতি, আমি ত প্রাণেশ্বরের নিকটে কখন কোন অপরাধ করি নাই, তবে কেন দাসীর প্রতি বিমুখ হলেন ।

মাল । রাজমহিষি, এদানি মহারাজের সে ভাব ছিল না, কেন বল দেখি ?

রাণী । আমি তার কিছুই জানি না; আমি এই জানি যে প্রাণবল্লভ আমার প্রণয় পাশে আরক্ত আছেন ।

মাধ । তবে কেন গেলেন ?

রাণী । দৈব বিড়ম্বনায় না হয় কি ? ঘোর বনে নল রাজা নিরপরাধে দময়ন্তীকে পারিত্যাগ করেছিলেন ।

মাল । রাজমহিষি, দময়ন্তী সতী পুনর্বার পতি প্রাপ্ত হন, তুমিও সেই রূপ মহারাজকে পাইবে তার চিন্তা কি ?

রাণী । (মরোন্দনে) মালতি, মহারাজের প্রত্যাগমনের আর ভরসা নাই, যেহেতু শ্রীকৃষ্ণ বৈরী ।

মাল । দেবতার নিকটে অপরাধী হলে শ্রীকৃষ্ণ ক্লেশ দেন, কিন্তু আবার তুমিও হন; অতএব তুমি দৈব আরাধনা কর । তুমি সাদ্ধী পতি-প্রাণা সতী, তুমি শীঘ্র পতির দর্শন পাইবে ।

রাণী । সখি তোমার কথায় আমি ভাই করিগে ।

[সকলের প্রস্থান]

গহন বনে অশ্বিনী সহিত দণ্ডীরাজার প্রবেশ ।

রাজা । (স্বগত) আঃ! সমস্ত দিন পর্য্যটন করে অত্যন্ত পরিশ্রম হয়েছে । আর কোথাও যাব না, এই যামিনী আগত, এই খানেই থাকি ।

(অধিনী প্রতি ঘন ঘন নিরীক্ষণ) এক বার প্রেয়সীর মুখ শশী দেখি, তা হইলেই আমার এই খানে-তেই স্বর্গ স্মৃতি । • ইঃ বড় যে অন্ধকার হয়ে এল । আমার অন্ধকার কি ? মনের অন্ধকার ত নাই ! (উর্কশী অধোবদনা) রূপসী এই সসাগরা পৃথিবীতে কেউ ত আমাকে স্থান দিলেন না, এক্ষণে উপায় কি করি । (উর্কশী নীরব) কোথা যাই ? কি করে প্রতিজ্ঞা রক্ষা হয় ? কিসে মান রক্ষা, প্রাণ রক্ষা হয় ? প্রাণেশ্বর তোমাকে কি রূপে রক্ষা করি ? প্রেয়সি, তুমি মৌন হইলে কেন ? আমাকে এ সময় সৎ-পরামর্শ যে হয় বল ।

উর্ক । মহারাজ আর কি বলিবার কথা আছে ?

রাজা । কেন তোমার মনে যা হয় তাই বল ।

উর্ক । সেই সময় ত বলেছিলাম ।

রাজা । কি বলেছিলে আমার স্মরণ হয় না ।

উর্ক । তোমার স্মরণ কি হয় ?

রাজা । কেবল তোমার আশ্চর্য্য সৌন্দর্য্য মধুর হাসি ও সুখাময় বাক্যই স্মরণ । সেই দিন অবধি এপর্য্যন্তই স্মরণ আছে ।

উর্ক । মহারাজ সেই বনে তুমি আমাকে ডাকিলে । আমি তোমার মিষ্ট বাক্যে ভুলে গিয়ে অমনি ধরা দিলাম ।

রাজা । প্রেয়সি, সেই দিন কি সুখের দিন, আর আজিই বা কি ?

উর্ক । সে সকল কথার এখন আবশ্যিক কি ? মহারাজ আমাকে দেখে তুমি ভয় পাইলে, আমি তোমাকে

সাস্তুনা করিলাম। তুমি আমাকে দেখে অধৈর্য্য  
হলে।

রাজা। সুন্দরি এমন সুন্দর মুখ খানি দেখে কি ধৈর্য্য  
হয়ে থাকে যায়?

উর্ধ্ব। মহারাজ, আমার কথা তোমার মনে নাই।

রাজা। আর এমন কি কথা।

উর্ধ্ব। আমি বলেছিলেম আমার সহিত প্রণয় করো না,  
পরে প্রমাদ ঘটিবে; তাই ত হল। সুধু তোমার  
নয়, উভয়েরই।

ওহে পৃথ্বীশ্বর, এক্ষণে কাতর, হইলে কি হবে বল।  
জানিলাম কথা, ভাগ্যে ছিল লেখা, তাই এ যন্ত্রণা হল।  
আমি স্বর্গ-বাসী, দৈব বশে আসি, মর্ত্য বাসী স্ত্রীষি শাঁপে।  
বিধি বিড়ম্বনা, দিনলে এ ঘটনা, ঘটিত না কোন রূপে।  
ভেবে দেখ মনে, নির্জন গহনে সাক্ষাত মম সংগতি।  
কৈলু নিবারণ, তখন বারণ, না শুনিয়ে এ জুগতি।

মহারাজ, ভবিষ্যৎ ভেবে সকল কর্ম্ম করা উচিত।

রাজা। ভাবিব আবার কি? এই ভেবেছিলাম যে,  
বাবত্ জীবিত থাকিব, তোমারি অনুগত হইয়া  
থাকিব।

উর্ধ্ব। মহারাজ তা ত হলো না; এখন কি হয়?

রাজা। প্রেরসি, আর গত বিষয়ের অনুশোচনাতে  
প্রয়োজন নাই।

উর্ধ্ব। তবে এখন কি প্রয়োজন হয়? একটা উপায় ত  
স্থির কর্তে হবে।

রাজা। এক প্রকার মনে মনে স্থির করেচি।

উর্ধ্ব। মহারাজ, তোমাকে যে অস্থির দেখতেচি। বল  
কি উপায়।



রাজা। প্রিয়ে অস্থির যে কাজেই হতে হয়।

উর্ধ্ব। এখন উপায় কি করলে?

রাজা। হইয়াছি যে অস্থখী, বলিব কি বিধুসুখি,  
বিদরিছে হৃদয় বিষাদে।

বিধি যদি হন বাদী, তবে আর কারে সাধি,  
কে রাখিবে এ ঘোর প্রমাদে ॥

নিদানে উপায় ভেবে, কৈনু প্রিয়ে শুন তবে,  
হবে না হে দেখা তব মনে।

যাই হে বিদায় হয়ে, বিদায় লইয়ে প্রিয়ে,  
যাও হে যে স্থানে লয় মনে ॥

জীবন আকুল পেদে, কি বিপদ পদে পদে,  
গেল কল শীল ধন মান।

ভ্রমিলাম ত্রিসংসারে, কৃষ্ণ বাস সমাচারে,  
কেহ না আমারে দিল স্থান ॥

হইলাম অপমান, আর না রাখিব প্রাণ,  
অতএব প্রবেশিব নীর।

আহা মরি প্রাণেশ্বর, তোমাকে হে পরিহরি,  
যেতে মন অধিক অস্থির ॥

বৈধেছিলে স্নেহ পাশে, এই অনুগত দাসে,  
ভালবেসে ছিলে ধনী কত।

সকলি রহিল মনে, আর হে করো না মনে,  
এ অধীনে এ জন্মের মত ॥

উর্ধ্ব। (সজল নেত্রে) মহারাজ, এই কি উত্তম বিবেচনা হলো? আর এই কি তোমার উপায়? আমাকে কোথা যেতে বল? তোমার মুখে ত এমন নিষ্ঠুর বাক্য কখন শুনি নাই। তবে কি আমাকে ত্যাগ করবে?

রাজা। প্রিয়ে, কি যে করব তা নির্ণয় করতে পারি না।

উর্ধ্ব। মহারাজ, তোমার মনে যা আছে তাই কর; কিন্তু আমার প্রতি প্রতিকূল হইওনা। তোমার কথায় আমার প্রাণ অত্যন্ত ব্যাকুল হচ্ছে।

গীত।

তোমারি অধিনী আমি, গুণ নগ্ন জান যনে।

বিনা দেখা প্রাণ সখা, বিচ্ছেদে বাঁচি কেমনে ॥

নিভান্ত সব আশ্রিতা, যেন মীন জলাশ্রিতা, ঢকোরিণী হরযিতা।

সুখাকর দরশনে।

চাতকিনী ঘন ঘন, চাহে যেন নবঘন, তেমতি হে প্রাণধন।

সদা ভাসি মনে যনে ॥

রাজা। শশিমুখি, আমি সহজে তোমাকে কি ত্যাগ করতে চাইলেম।

উর্ধ্ব। নঃ মহারাজ! আমার জন্যই তোমার এ বিপদ।

রাজা। এ বিপদকে আমি ভয় করি না, আমার রাজত্ব যাক, তার সর্বস্বই যাক।

উর্ধ্ব। নাথ, একি সামান্য বিপদ? নৃপতির কাননে কাননে ভ্রমণ!

রাজা। তাকে পারি; পাছে তোমাকে হারাই।

গীত।

তোমাকে যে ভাল বাসি, প্রেমসি কি তা জান না।

গেল রাজ্য, সে ঐশ্বর্য, তাহে করি না ভাবনা ॥

যাবত রব জীবনে, হব স্নখী তব সনে, অভিলাষ ছিল মনে,

পূরিল না সে বাসনা।

নিরাশ হইলু যদি, যদি বিধি প্রভিবাদী, তবে আর কারে মাধি,

কে নাশিবে এ বাস্তব।

উর্ধ্ব। মহারাজ আমি তোমারি, তুমি স্থির হও; তোমাকে কাতর দেখে আমার হৃদয় বিদীর্ণ হচ্ছে।

[রোদিন]

রাজা। (অতি কাতরে) প্রাণাধিকে, তুমি রোদন করো না।  
তুমি কি করবে? আমার অদৃষ্ট মন্দ, নচেৎ এমন  
ঘটন। ঘটবে কেমন? আমি তোমাকে গোপনে  
রেখেছিলাম; আমার এমন শত্রু কে হলো?

উর্ধ্ব। মহারাজ, তোমাকে জগদীশ্বর রাজা করেচেন,  
তোমার অদৃষ্ট মন্দ নয়, তুমি ক্ষোভ করো না।

রাজা। প্রেয়সি, পরমেশ্বর আমাকে রাজা না করেও যদি  
তোমাকে দিতেন, তবু আমি অসুখী হতেম না।

উর্ধ্ব। মহারাজ, পৃথিবীর পতি হওয়া অনেক ভাগ্যের  
কথা। স্ত্রী ত পক্ষলেরই থাকে।

রাজা। সুন্দরি, আমি এই জানি মনের সুখের অধিক আর  
সংসারে কি সুখ আছে? ধনে কি হতে পারে?

উর্ধ্ব। মহারাজ, তুমি কি কখন মনের সুখী ছিলে না?

রাজা। এত নয়।

উর্ধ্ব। মহারাজ এখনও কি তোমার মনের ভ্রম যায় নাই?  
আমি নিতান্ত তোমারই অধিনী। আমি জীবনে  
মরণে তোমারই অনুগামিনী, তাকি তুমি জাননা?

রাজা। তা আমি জানি, কিন্তু এস্থলে আমার প্রাণ ত্যাগ  
করাই শ্রেয়ঃ। আর যে কোন উপায় দেখ  
তেচি না।

উর্ধ্ব। (মুগ্ধ বদনে) মহারাজ, তুমি কি আমার জন্য প্রাণ  
পরিত্যাগ করবে?

রাজা। প্রাণেশ্বর! প্রাণ ত্যাগ না করলে যে তোমাকে  
ত্যাগ করতে হয়।

উর্ধ্ব। তা কি স্ত্রীর নিমিত্তে পৃথিবীশ্বরের এই কৰ্ম  
নৃত্তবে?

রাজা। প্রেয়সি, প্রণয় যে কেমন রস, তা অবলম্বন ভাল  
জ্ঞানে না।

উর্ধ্বী। মহারাজ তা আমি ভাল জানি।

রাজা। তা যদি জান, তবে আমার এ প্রাণ রেখে কি ফলোদয় ?

উর্ধ্বী। (নিশ্বাস ত্যাগ করিয়া) মহারাজ আমি বোধ করি বিচ্ছেদ যন্ত্রণা অপেক্ষা মৃত্যু যন্ত্রণা ভাল।

রাজা। তবে তোমার বিরহে আমি মরণই শুভ জ্ঞান কল্পেম।

উর্ধ্বী। (স্বপ্নত) আহা! সুরনাথের আদর্শনে আমার প্রাণ এমনি ব্যাকুল হয়! আর এক্ষণে সে চরণ দর্শন পাওয়া ছল্লভ।

রাজা। প্রেয়সি, তুমি কি তাব্চ।

উর্ধ্বী। মহারাজ, আমি ত এখনও তোমার সঙ্গ ছাড়া নই। তবে কেন তুমি এমন অধৈর্য্য হচ্চ ?

রাজা। তুমি কি বল্লে, এখনও সঙ্গ ছাড়া নও? তবে কি সঙ্গ ছাড়বে ?

উর্ধ্বী। মহারাজ, তুমি এমন অবোধ হও কেন! আমি কি বল্লেম তুমি কি বুঝ্লে?

রাজা। তুমি কি বল্লে বল দেখি ?

উর্ধ্বী। আমি এই বল্লেম যে, তবিষাৎ ভেবে উতলা হলে কি হবে ?

রাজা। এখন যে আমি হীন-বীর্য্য হয়েচি। এই পৃথিবীতে কেহই আমার সহায় হলো না। মহাবল পরাক্রান্ত যাদব আমাকে অনায়াসে পরাজয় করবে। আর তোমাকেও হরণ করবে তার ও সন্দেহ কি ?

উর্ধ্ব। যুদ্ধে যে ব্যক্তি জয় লাভ করতে অক্ষম, সে  
যে প্রাণ ত্যাগ করবেই এমন ত প্রথা নয়।

রাজা। তবে প্রাণ ভয়ে লুকিয়ে থাকি, সে যে কাপুরুষের  
কার্য্য, তার ক্ষাপেক্ষা মরণই ভাল; ক্ষত্রিয় বংশোৎ-  
পন্ন রাজার এমন জঘন্য কর্ম্ম সম্ভবে না।

উর্ধ্ব। কেন মহারাজ, কোন সময়ে সুরপতি শত্রু-কর্তৃক  
পরাত্যুত হয়ে গোপনীয় স্থানে ভ্রমণ করেন।  
এতে অপমান কি?

রাজা। তা সত্য বটে, কিন্তু আমার যে প্রবল শত্রু,  
কোথাও নিস্তার নাই। অতএব যুগাক্ষি, আমি  
তোমার নাম্বাতে প্রাণত্যাগ করুব এই স্থির  
করেচি।

উর্ধ্ব। মহারাজ, তুমি হচ্ছ রাজেশ্বর, এই দুচ্ছ বিষয়ের  
জন্ম এত অর্ধৈর্য্য কেন? আপনি থাকিলে স্ত্রীর  
অভাব কি? তুমি আপনি আপনার মনে বিবেচনা  
করে দেখ।

রাজা। (সজল নেত্রে) স্থলোচনে, আসন্ন কালে বুদ্ধি-লোপ  
হয়; আমার সেই আসন্ন কাল উপস্থিত। এখন  
কর্তব্য যে হয়, তুমি বিচার করে বল।

উর্ধ্ব। মহারাজ, আমি অজ্ঞ-বুদ্ধি স্ত্রী, এ সময়ে যে তোমাকে  
বুঝাব এমন কি জানি?

রাজা। এখন আমার আর কে আছে যে, কোন বিষয়  
জিজ্ঞাসা করুব?

উর্ধ্ব। মহারাজ, শাস্ত্রে বলে, আত্ম-রক্ষা পরম ধর্ম্ম।  
আত্মাকে রক্ষা করে পরে পরিবার ও ধন  
রক্ষা করতে হয়। অতএব প্রাণত্যাগ করো না।

- রাজা । তবে কি করতে বল ?
- উর্ধ্ব । বরং আমাকে ভাগ করে সকল রক্ষা কর ।
- রাজা । প্রিয়ে, দণ্ডের প্রাণদণ্ড হলেও যে তোমাকে ভাগ করবে না এই প্রতিজ্ঞা করেছি ?
- উর্ধ্ব । এমন প্রতিজ্ঞা করা কি ভাল হয়েছে ?
- রাজা । কেন ভাল হবে না ? কেন, যে বিপদ উপস্থিত, তারই উপযুক্ত ।
- উর্ধ্ব । ভালবাসার কি এই কল ?
- রাজা । প্রিয়ে, যাকে জীবন দান করেছি, তার উপলক্ষে প্রাণ গেলেও ক্ষোভ করি না ।
- উর্ধ্ব । (স্বগত) উঃ! এমন মন যদি সকলের হতো, তবে বিচ্ছেদ থাকত না। (দীর্ঘ নিশ্বাস ছাড়িয়া) তবে তোমার যা ইচ্ছে হয় তাই কর ।
- রাজা । (নিশ্বাস ভাগ করিয়া) আর ইচ্ছে, এস একবার জন্মের মত তোমার প্রফুল্ল মুখ-কমল দেখি ।
- উর্ধ্ব । আর দেখে কি হবে ? দেখে কাজ নাই, আর মুখ দেখাব না । এই অঞ্চলে ঢাকলেম্ ।
- রাজা । তাকি রাখতে পারবে ? আমি হৃদয় মন্দিরে উর্ধ্বশীর প্রতিমূর্তি স্থাপিত করে রেখেছি, যখন নয়ন নিম্নলিত করে থাকি, তখনও দেখতে পাই ।
- উর্ধ্ব । মহারাজ তবে এখন কি বল ?
- রাজা । এখন এই বলি, যেন জন্মজন্মান্তরে উর্ধ্বশী প্রাপ্ত হই ।
- উর্ধ্ব । (সজল নেত্র) মহারাজ তুমি কি পাগল হয়েচ ?
- রাজা । প্রাণ-প্রিয়ে, আর আমাকে বার বার নিবারণ করো না ।

উর্ধ্ব। মহারাজ, যদি নিতান্তই প্রাণত্যাগ করাই প্রার্থনা  
হলো, তবে আর আমি কোথায় যাব ?

রাজা। প্রেয়সি, সে কথা আমি আর কি বলব, তুমি  
কি করবে।

উর্ধ্ব। আমার আর প্রাণ রেখে কি কল আছে !  
আর কি উপায় আছে, কে আমাকে আশ্রয়  
দেবে ?

✱ পথার।

তবে আর প্রেরোজন নাহি এ জীবনে ।  
তেজিব জীবন আমি নাথ তব সনে ॥  
‘আমার বিচ্ছেদ তুমি সহিতে না পার ।  
সেই হেতু প্রাণ দিতে কবিলে স্বীকার ॥  
আমার উপায় আর আছে কি হে সখা ।  
কি আশয়ে এত জ্বালা সয়ে প্রাণ রাখা ॥  
বেখেছিলে বহুদিন ত্রোমার আশ্রমে ।  
ঐশ্বর্যের পাশে মোরে বেঁধেছিলে ক্রমে ॥  
এখন তেজিয়ে তুমি প্রবেশিবে জলে ।  
দহিতেছে এ হৃদয় ঘোর দুখানলে ।  
আমাদের প্রণয়েতে বাদী হন হরি ।  
কিন্তু তাঁরে দেখাইব প্রাণ পরিচরি ॥  
তথাপি না ছাড়াছাড়ি হবে তব সহ ।  
কে সহিবে বিচ্ছেদের যাতনা দুঃসহ ॥  
ভালবাসা হয়ে আশা করেছিলু মনে ।  
গেল দুঃখ হল সুখ, রব তব সনে ॥  
সেই ত অমরাবতী যথা মন সুখ ।  
ভুলেছিলু সকলি হে চেয়ে তব মুখ ॥

সে বদন ইন্দ্র নাথ শুকাইল ত্রাসে ।  
 অতিমানে নয়ন কমল নীরে ভাসে ॥  
 প্রাণের অধিক ভাল ঘেসেছি যে জনে ।  
 তাহার এতেক কষ্ট সহিব কেমনে ॥  
 কেমন করিয়া আমি নয়নে দেখিব ।  
 জীবন তেজিবে মোর জীবন বল্লভ ॥  
 আঞ্জা কর প্রাণনাথ বুটাই যাতনা ।  
 আর কেহ কার লাগি ভাবিতে হবেনা ॥

রাজা । আর অধিক বলতে হবে না । স্থির হও, তুমি যে  
 আমাকে ভালবাস তা কি আমি জানি না ?  
 প্রিয়তমে, তুমি হচ্চ ধরণীতে অপ্রাপ্য বস্তু, জাতিতে  
 অপসরা, তোমার কত গুণ, দেবতার মন মোহিত  
 কর ; মানব জাতির স্বপ্নের অগোচর ।

উর্ধ্ব । মহারাজ, তা মাই হই, তুমি এত কাতর হইও  
 না ।

রাজা । প্রেয়সি, আমি ত তোমার দাসের যোগ্য নই, তবে  
 অনুগ্রহ করে আমার প্রতি প্রসন্ন হয়েচ । কিন্তু  
 আমার ছুর্ভাগ্য যে, এমন প্রিয় রত্ন পেয়েও  
 পেলেম না, দৈব প্রতিকূল হলো । এই ছুঃখে  
 আমার প্রাণ দগ্ধ হচ্ছে । অতএব জলে  
 কাঁপ দিয়া শীতল হব । তুমি আমার জন্যে  
 ছুঃখিত হবে না । আমার মরণান্তে তোমার  
 যা মনে আছে তাই করো ।

উর্ধ্ব । মহারাজ, আমার মরণে বাধা কি আছে ? দৈব-  
 বশে যে রূপ অবস্থা, তা ত স্বচক্ষে দেখেচ ।  
 তবে তোমার ভাল বেশে সকল দুঃখ ভুলে



হিলেম্। তুমি যদি এই হতভাগিনীকে ত্যাগ করবে, তবে আমি আর কি সুখে জীবন ধারণ করি বল দেখি? এক মুহূর্তও তোমার বিরহ সহ্য করিতে পারি না। তুমি আমার জন্যে প্রাণ ত্যাগ করবে, আর আমি তাই চক্ষে দেখব।

রাজা। প্রাণপ্রিয়ে, এক্ষণে যে তোমার দূরবস্থা, তার আর সন্দেহ কি? কিন্তু ছুঃখ সকলের পক্ষে চিরস্থায়ী নয়। অনেক ছুঃখী লোকেও পুনর্বার সুখী হয়। চন্দ্রাননি, তুমি যেকপ রূপবতী, তেমনি নৌভাগ্যবতী হবে। সংসারের সার দ্বারকানাথ শ্রীকৃষ্ণ, তোমার প্রতি তাঁর সম্পূর্ণ অভিলাষ; তুমি কেন এই হতভাগ্য নিমিত্তে অকালে প্রাণ ত্যাগ করবে, এই জন্যে তোমার মরণে বাধা দিচ্ছি।

উর্ধ্বাঙ্গী। মহারাজ, আমি সুখের আকাঙ্ক্ষায় মরণে কান্দ হব, আর তুমি আমার জন্যে রাজ-সিংহাসন, স্ত্রী, পুত্র, সকলকার মমতা ত্যাগ করে এমন যে পরম প্রিয় সামগ্রী আত্মা, তাও বিনাশ করবে?।

রাজা। রূপসি; আর ছুঃখের কথা ভাল লাগেচেন। একবার আকাশে নিরীক্ষণ করে দেখ দেখি।

উর্ধ্বাঙ্গী। নাথ, পূর্বদিক্ একটু করসা ২ লাগেচেন। রাজি কত হল তা জানতে পাচ্ছি না।

রাজা। আজি রূপক্ষ অষ্টমী, রাজি দুপুর না হলে ত চন্দ্রোদয় হবে না। এই অনুমান হয় রাজি দ্বিতীয় প্রহর হয়েছে।

উর্ধ্ব। (মতয়ে রাজাকে ধরিয়) নাথ, রক্ষ কর, রক্ষ কর;  
কি হবে, কোথা যাব?

রাজা। শশি মুখি, ভয় কি? স্থির হও। এই ঘোর রজনীতে শূগালে ধনি করুচে। তোমার ভয় নাই। আমি জীবদশায় কার সাধা যে তোমার অনিষ্ট করে!

উর্ধ্ব। (স্বগত) আর তোমার ক্ষমতা প্রকাশ করিতে হবে না, যত তা জানা গেচে। (প্রকাশে) নাথ, বড় অক্ষকার, তুমি একটু সাবধান হও। যে বন, কত কি জঙ্ঘ আছে, আমার বড় ভয় হুচে।

রাজা। (হাস্য বদনে) আর আমার সাবধান। যার সিন্ধু মধ্যে শয়ন, সে কি সামান্য শিশিরে ভয় করে? প্রিয়ে, সর্পাঘাতে আমার প্রাণ বিরোগ হবে কি পশুর দ্বারা বিনষ্ট হবে, আমার কি আর সে শঙ্কা আছে?

উর্ধ্ব। মহারাজ, এ কি কথা? যাবত জীবন ধারণ করিতে হয়, আশা ত্যাগ করা যায় না।

রাজা। আমার আর সে আশা নাই।

উর্ধ্ব। এমন কি কথা? কি হবে তাও কি নিশ্চয় বলি যায়?

রাজা। প্রিয়ে, যা হবে তা ত নিশ্চয় জেনেচি। রজনী প্রভাত হলে স্বচক্ষেই দেখতে পাবে।

উর্ধ্ব। মহারাজ, এই জনোই কি এত মায়া বৃদ্ধি করলে?  
[বলিই অতিশয় রোদন]

রাজা। (স্বগত) আমি কি কল্লেম! প্রিয়ে উর্ধ্বাধীর মুখ চিন্তায় মলিন কল্লেম! (প্রকাশে) সুন্দরি, ছি ছি ছি,

একি? কেন, রোদন কেন? স্থির হও, আর ও সকল কথায় প্রয়োজন নাই। দিব্য জ্যোৎস্না হয়েছে, এন আমর। এই সরসীর কুলে উপবেশন করি। (সহস্বে পূজা সকল মোচন)

উর্বা। (মহুস্বরে) নাথ, এ ধরশীনাথের ষোণ্য নয়, তোমার কষ্ট দেখে আমার চিত্ত স্থির হয় না।

রাজা। কেন এতে ক্ষতি কি?

উর্বা। (সরোদনে) মহারাজ, এ দাসীর নিমিত্তে তোমার অনেক ক্ষতি; আর কি বাকি বল।

রাজা। কোমলাঙ্গি, আমার নিমিত্তে তোমার ও এ সামান্য কষ্ট নয়।

উর্বা। নাথ, আমার প্রতি দৈব বিমুখ; তোমা কর্তৃক আমার কিছু ক্লেশ হয় নাই; বরং সুখী হয়ে ছিলাম।

রাজা। প্রেরণি, আজি তুমি আমার সঙ্গে এই কণ্টক বনে ভ্রমণ করিতেছ, আর তোমার পাতৃখানি না জানি কাঁটাতে কতই বাধা পাচ্ছে, তুমি সুরনাথের প্রিয় পাত্রী, কত দুঃখেই রোদন করেচ।

উর্বা। মহারাজ, তোমার বজ্রাঘাতের তুল্য কথাতে আমার বুক বিদীর্ণ হচ্ছে। এস্থলে আর সামান্য কাঁটাতে কি করতে পারবে? নাথ, মৃত্যুই কি শ্রেষ্ঠ বিবেচনা করেচ?

রাজা। (দীর্ঘনিশ্বাস ত্যাগ করিয়া) হাঁ, তার আর সন্দেহ কি? নরকুলে জন্ম গ্রহণ করে এই পৃথিবীতে কে অমর হয়েচে?

উর্বা। (স্বগত) আমি যে রাজার সহিত মৃত্যু স্বীকার

করেচি, যে সময়ে নরপতি জলে প্রবেশ করবেন তাঁর সঙ্গে আমাকেও যেতে হবে। কিন্তু আমি জাতিতে অঙ্গুরা, দীর্ঘকাল অবধি যৌবন অবস্থায় কাঁচ কাপন কল্পেম। কত যোগীর যোগ ভঙ্গ করেচি; তন্নিমিত্তে ব্রহ্মা আমাদের সৃষ্টি করেছেন। অমরাবতীতে আমার বাস স্থল; রোগ শোক খাতনা রহিত। কি আক্ষেপের বিষয়! মানব জাতির সম্প্রদানে জগদীশ্বর কি আমার মৃত্যু নিয়ম করেছেন? কি আশ্চর্য! ভগবান দুর্ভাষা, তাঁর অজ্ঞানীয় বাক্য কি লজ্জন হবে! তিনি অভিশাপ দিলেন, “দিবসে অশ্বিনী হইবে! থাকিবে, রজনীতে দিব্যাজ্ঞনা হইবে, আর অষ্ট বঙ্গু যে সময়ে একত্র হইবে, তোমার উদ্ধার হইবে”। কে তার ত কোন কিছুই দেখি না; যা হউক, দেখি দেখি, দৈব সূটনাই দেখি।

রাজা। প্রিয়তমে, তুমি মনে মনে কি চিন্তা করিতে?

উর্ধ্ব। নাথ! আমার মনে যে কত চিন্তাই হচ্ছে!

রাজা। কতই চিন্তা কি?

উর্ধ্ব। মহারাজ, যে সময়ে দ্বারকানাথ দূত পাঠালেন, তা শুনে আমার মনে বিশ্বাস হয়েছিল যে, তুমি আমাকে তাঁরই পাদপদ্মে অর্পণ করবে।

রাজা। (কিঞ্চিৎ মৌন থাকিয়া) সুন্দরি, এখন তোমার মনে কি হচ্ছে?

উর্ধ্ব। এখন আমার মনে কি হবে বল দেখি; তোমার ধীর স্বভাব, কিন্তু তোমাকে অধীর দেখে আমার আর বিবেচনা শক্তি নাই।

রাজা। (অনন্ত) আমি যে প্রথম ভক্ত আশঙ্কায় জীবন বিনাশ করতে চাচ্ছি, 'শ্রেয়সী' ইহাই নিশ্চয় বুকেচেন, কিন্তু আমার আত্মা বিসর্জনের আরও কারণ আছে। (প্রকাশ) রূপসী, তোমার লাভণ্য দেখে অধীর হওয়াই সম্ভব বটে, কিন্তু এক্ষণে শুদ্ধ সে ভাবে অধীর নই।

উর্ধ্ব। মহারাজ, তবে দেহ পরিত্যাগে ক্ষান্ত হও।

রাজা। এখন আর তা হবে না, মানের লাঘব হয়েছে, উপায় পূর্বে করলে হতো।

উর্ধ্ব। মহারাজ, তুমি যে স্ত্রীর নিমিত্তে একপ করতেচ একথা কেহই জানে না; তবে অপমান কি?

রাজা। প্রিয়ে, তুমি জাননা আমি অনেক ভেবে মৃত্যু স্থির করেছি। ক্ষত্রিয় কুলে রাজারা বিনা যুদ্ধে ভক্ত দেয় না আর প্রতিজ্ঞা ভঙ্গও করে না; আমি প্রথমে বল্লেশ আশ্বিনী কাহাকেও দিব না।

উর্ধ্ব। মহারাজ, আমাকে দিলেন এক প্রকার ভালই হতো; এ মন্দ ভাগিনীর সহবাসে তোমার এত বিপদ!

রাজা। প্রিয়ে, আমার যে তখন স্বপ্ন ভঙ্গ হয় নাই।

উর্ধ্ব। নাথ, এখন?

রাজা। এখনও সেইরূপ, কিন্তু মনে কিঞ্চিৎ বিবেচনা হওয়াতে অত্যন্ত ক্ষোভ হচ্ছে; আমি তুচ্ছ বিষয়ের জন্যে শ্রীকৃষ্ণকে বঞ্চিত কল্লেম; আমি চিরদিনের জন্যে তাঁর নিকটে অপরাধি রলেম; আর ক্ষত্রিয় ধর্মে ও একবারে জলাঞ্জলি দিলেম; আমি পরাক্রম থাকতেও দুর্বলের ন্যায় গোপনে পালিয়ে রলেম! সমরে পড়লেও মদগতি হতো, নিষ্কার পাত

হতেম না, তা না করে হাস্যাস্পদে পদার্পণ  
কলেম এই সজ্জা নিবার্ণার্থে জলে প্রবেশ  
করব।

উর্ধ্ব। মহারাজ, এই পৃথিবীর মধ্যে সর্বাপেক্ষা শ্রেষ্ঠ এমন  
পরম প্রিয় আত্মা বিনাশ করতে কি মমতা হয় না?

রাজা। প্রিয়ে, আমি ইন্দির সুখাভিলাষে যশ লোপ  
কলেম, আর আমার পৃথিবীতে যা ছিল সক-  
লই বিসর্জন দিলেম, অতএব এই ইন্দিয়ের প্রতি  
আমি বিরক্ত হয়েছি; এই ঘৃণাকর শরীর আর  
রাখিব না।

উর্ধ্ব। মহারাজ, ইন্দ্র চন্দ্র প্রভৃতি কেহই স্বাধীন নন,  
সকলেই ইন্দিয়ের বশীভূত; তার জন্যে একুপ  
অন্যায় সাহস করা কর্তব্য কি?

রাজা। প্রিয়ে, চিরকালাবধি আমার এই ইচ্ছা হৃদয়ে  
প্রবল ছিল যে, ত্রিপুরাণকে উৎকট হতে  
দিব না, ও তুম্বাম প্রহরণের বংশ কীর্ত্তিও  
কলঙ্কিত করব না; কিন্তু তোমাকে দেখে সকল  
বিস্মৃত হয়েছি, এখনওপর্যন্ত আমার মনের ভ্রম  
যায় নাই।

উর্ধ্ব। মহারাজ, এই ত আমাদের অন্তিম কাল উপস্থিত,  
এখন তোমার মনে অতিশয় অসুখ হচ্ছে?

রাজা। অবশ্যই হতে পারে; তথাপি তোমার সহবাসে  
সকলই সুখ।

উর্ধ্ব। (সকাতরে) নাথ, তোমার চরণে ধরি ক্ষান্ত হও,  
এখন আমরা এই বনেতেই বসতি করি না কেন।  
(রাজা নীরব) এখন কি বল?

- রাজা । (সিখান ভাগ করিয়া) আর বলিব কি, রজনী প্রভাত  
হলেই দেখতে পাবে। কপনো, আমার প্রাণ  
বড় ব্যাকুল হচ্চে।
- উর্ক । মহারাজ, তুমি সর্বক্ষণ চিন্তা করো না। চিন্তা-  
নলে শরীর দক্ষ হয়।
- রাজা । প্রিয়ে, দেখ আর রাত্রী নাই। পক্ষি সকলে  
কলরব করতেচে। চন্দ্রযুথি, আর কি এ চন্দ্র-  
যুথ দেখতে পাব না ?
- উর্ক । (দুঃখিত ভাবে) মহারাজ, দেখ একটু বিবেচনা কর,  
আজ্ঞহাত মহা পাতক তা করো না।  
[ বলিতে বলিতে অশ্বিনী রূপ ধারণ ও রাজার নিরাশ  
হইয়া জ্ঞানিমগ্নন নিমিত্ত গমন—ও উভয়ের প্রস্থান ]

দ্বারাবতী রাজ নিকেতনে কুপিণী এবং সত্যভামার প্রবেশ।

- সত্য । দিদি, কি হু হু হু হু ?
- কুপিণী । হাঁ বোন শুনলোম, বড় মনে দুঃখ হলো।
- সত্য । উনি বড় অন্যায় করলেন।
- কুপিণী । তা যা হউক, সেই ঘুঁড়ীটাই কালের স্বরূপ হয়ে  
উঠলো।
- সত্য । এখন যে কি সর্বনাশ হয় তা ত বলা যায় না।
- কুপিণী । আর বোন যা হবার তা হবে।
- সত্য । দিদি পাণ্ডবের অনিষ্ট শুনে আমরা কেমন করে  
সহ্য করব।
- কুপিণী । পাণ্ডবের যে অনিষ্ট হবে এমন ত বোধ হয় না।
- সত্য । না হবে না! ইনি যে প্রতিজ্ঞা করেছেন।

## উপনী সাক্ষাৎ

কৃষ্ণের প্রবেশ।

- রুক্মিণী । ( বাজছে ) হে! এই যে আমার এখানে কি মনে করে ?
- সত্য । একা যে বড়? আর কৈ ?
- কৃষ্ণ । আর কে ?
- রুক্মিণী । যার জন্যে এত আড়ম্বর ।
- কৃষ্ণ । সে আমার কেমন ?
- সত্য । বীরত্ব প্রকাশ ।
- কৃষ্ণ । আঃ! তেজ্জেই বল না কি হয়েছে ।
- রুক্মিণী । তবে শুনবেন ?
- কৃষ্ণ । হাঁ বল ।
- রুক্মিণী । ( সভ্যতামা সহ পরিহাসে ) সেই, দণ্ডী-রাজার অশ্বিনী কেমন ?
- কৃষ্ণ । সেই দণ্ডীই তা জানে ।
- সত্য । আহা! ইনি কি ভাল মানুষ টি গা! যেন কিছুই জানেন না!
- কৃষ্ণ । আ! কি দায়! তোমরা কি বলছ আমি তা কিছুই বুঝিতে পালোম না ।
- রুক্মিণী । নাথ, আপনি ত সোজা নন যে আমাদের সোজা কথা বুঝতে পারবেন ।
- কৃষ্ণ । ( উভয়ের প্রতি ) প্রেয়সি, কেন আজ- তোমাদের কি হয়েছে ?
- সত্য । ( সরোষে ) কি হয়েছে তা আপনি মনে মনে তেবেই দেখুন না ।
- কৃষ্ণ । ( স্বগত ) আমি এ সময়ে এখানে এসে ভাল করি নাই । এ যে প্রবল দাবানল বলে উঠেছে দেখছি,



কুমারী নাটক।

(প্রকাশে) স্বন্দরি, আমার মনে তোমরাই ত আছ,  
আর কি মনে ভাববো তা বল।

সত্য। অমন মিষ্টি কথায় আর ভুলি না। এ গোপের  
মেয়ে নয়।

কৃষ্ণ। (সবিনয়ে) প্রিয়ে এ ত মিছে কথা নয়।

সত্য। উঠী আপনার মন রাখা কথা।

কৃষ্ণ। তোমরা এখন মনে যা ভাব।

কুক্কি। দেখে শুনেই ভাবিতে হয়।

কৃষ্ণ। (হাস্য মুখে) প্রিয়ে কেন দেখলেই বা কি আর  
শুনলেই বা কি?

সত্য। কত শুনেচি।

কৃষ্ণ। কৈ কি শুনেচ বল।

কুক্কি। বলতে পারি না কি?

কৃষ্ণ। তবে কেন বল্চ না?

সত্য। তা শুনুবেন নাকি?

কৃষ্ণ। শুনব না কেন?

সত্য। দিদি সেই কথাটা বল না।

কৃষ্ণ। কেন তুমিই বল না কি বলবে?

কুক্কি। নূতন কথা নয়।

সত্য। সেই পূর্বে কথা, তখন আপনি রাজা হন নাই।

কৃষ্ণ। প্রিয়ে, আমি ত এখনো রাজা নই। এই কথা ত?

কুক্কি। ইনি যেন কিছুই বুঝতে পারেন নাই, আর মনে যেন  
কিছুই নাই।

কৃষ্ণ। বালক কালে কে না কি করে থাকে, তাই কি মনে  
থাকে?

সত্য। না আপনার কিছুই মনে নাই, সকলিই ভুলেচেন।

পর্যায়।

দেখে তব আচরণ অন্ধ জ্বলে যার।

বল দেখি প্রাণনাথ ঘুটালে কি দার।

হয়ে দাসী দিবা নিশি, পদ সেবা করি।

এ দ্বারকা পুরে মৌরী অক্ষয়ত নারী।

তবু আশ্রয় পর জ্ঞান নাহিক তোমার।

কলঙ্ক রটালে তুমি ত্রিলোক সংসার।

কৃষ্ণ। সত্যভামা, তোমার মুখে রাগের কথা শুনতেও ভাল লাগে।

ক্লান্তি। সত্যভামা রাগ করে বলতেছে না, ক্ষোভ করে বলতেছে।

কৃষ্ণ। প্রিয়ে, রাগ ক্ষোভ উভয়ই ভাল বাসার লক্ষণ।

সত্য। তোমার চরিত্র বড় শঠ, মনের কথা কখন বুঝতে পারলেম না।

কৃষ্ণ। কেন বুঝতে পারবে না? তোমার ও মনের কথা যা, আমার ও মনের কথা তাই।

ক্লান্তি। নাথ, তুমি এক ক্লেশ দিতে ভাল বাস কেন? যারা তোমার নিতান্ত অনুরাগত, তাদের সর্বত্রই অপার যত্নণা।

কৃষ্ণ। না প্রিয়ে, আমাকে ভাল বাসিলেই আমি ভাল বাসি। তবে যদি কেউ আমার জন্যে যাতনা পায়, সে তার নিজের দোষে।

সত্য। কিসে নিজের দোষে? আমরা তোমার কি অপরাধ করেছি?

কৃষ্ণ। সত্যভামা, আমাকে তুমি পতিত্ব ভাবে বরণ করেছ, আমিও তো তোমার চরণে দাসানুদাসের মত বাঁধা আছি।

- সত্য। তুমি কেবল কথাতে পটু, কাজে অতি বাঁকা।  
বিধাতা তোমাকে বাঁকা করে বেশ করেছেন।
- রুক্মি। নাথ, পাণ্ডবেরা কি অপরাধ করেছে যে তুমি  
তাদের উপর বিগুণ হলে?
- কৃষ্ণ। প্রিয়ে, কে বলে পাণ্ডবেরা অপরাধ করেছে, আর  
আমি তাদের উপর বিগুণ?
- সত্য। সকল কথাই প্রকাশ হয়েছে; এখন আর ভাঁড়ালে  
কি হবে?
- কৃষ্ণ। আমার কথা যত প্রকাশ হয়, ততই ভাল।
- রুক্মি। নাথ, আমি কিছুই বুঝতে পারছি না। পাণ্ডবেরা  
আমাদের স্নেহ; তোমার পায়ে ধরি, তাদের  
উপর রূপা কর, আমাদের সকলের সন্দেহ আর  
যাতনা দূর কর।
- কৃষ্ণ। প্রিয়ে, আমাকে সন্দেহ করাতেই তোমাদের  
যাতনা হচ্ছে। আমি যদি পাণ্ডবের শাসন করি,  
সেও কেবল তাদের মঙ্গলের জন্য।
- সত্য। আহা! কি ভাল মানুষটী গা! এ ভাল মানুষী কোথা  
শিখলেন?
- কৃষ্ণ। সত্যতামা, আমি বরাবরই এই রূপ। তুমি আজি  
অভিমানের স্বপ্ন হয়েছে, তাই আমাকে এমন  
দেখতেছ। আমাতে ভাল ও নাই, মন্দ ও নাই;  
যে যেমন ভাবে দেখে, সে তেমনি দেখতে পায়।
- রুক্মি। নাথ, তুমি আমাদের ইস্ট দেবতা স্বরূপ, আমরা  
অচলা ভক্তি করে থাকি। দেখ যেন সকল রক্ষা  
হয়।
- কৃষ্ণ। প্রিয়ে, চিন্তা করো না। যাতে সকলের মঙ্গল হয়,

আমি তেমনই ব্যবস্থা করব। আমি এখন চল্লাম।  
সত্য। ইঃ! এত ব্যস্ত কেন? আমরা কি ধরে রেখেছি?

[ সকলের প্রস্থান। ]

## চতুর্থ অঙ্ক।

হস্তিনা পুরী।

রাজ্যসংপুরে দ্রৌপদী ও কুন্তীর প্রবেশ।

দ্রৌপ। মা, প্রণাম।

কুন্তী। কেও দ্রৌপদী, এসব বস। কেন গা এত ব্যস্ত কেন?

দ্রৌপ। আর মা, সর্বনাশ হলো আর কি!

কুন্তী। (সমস্ত্রমে) কেন কি হয়েছে?

দ্রৌপ। সূতদ্রা সর্বনাশ করলে আর কি।

কুন্তী। কেন, তদ্রা কি করেছে?

দ্রৌপ। একা তদ্রা নয়।

কুন্তী। তদ্রা আর কে?

দ্রৌপ। আর আপনার মধ্যম পুত্র।

কুন্তী। অবাক! (স্বগত) সূতদ্রা ত তেমন মেয়ে নয়,  
(প্রকাশে) বাছা! তেঞ্জে বল দেখি। আর আমার  
ভীম ত অজ্ঞান ছেলে নয়।

দ্রৌপ। কোন্ রাজার সঙ্গে আমাদের ক্রীকৃষ্ণের বিবাদ হয়ে-  
ছিল, তাই সে ভয় পেয়ে গজাজলে ডুবে মরতে  
গেছিল, সেই কীথা সূতদ্রা শুঁকে বলেছিল, তাই উনি  
দয়া করে আশ্রয় দিয়ে আপনার কাছে রেখেছেন।

কুন্তী। ভীম এমন কর্ম্ম করে ভাল করে নাই। বাছা  
একবার ভীমের কাছে যাই চল দেখি, তাকে

বুঝিয়ে ছুঝিয়ে সেই রাজাকে ছেড়ে দিতে বলিগে,  
সে কি আমার বাক্য রাখবে না ?

দ্রৌপ । তিনি যে একপুঁয়ে, না শুন্নেও না শুন্নে পারেন ।

[ উভয়ের প্রস্থান ]

রাজসভায় কর্ণ ছুর্যোধন ও বিহুরের প্রবেশ ।

[ নিপথ্যে শব্দ ]

কর্ণ । মহারাজ, কি শব্দ হচ্ছে শুন্নে পেয়েছেন ?

দ্রুয্যো । (সহাস্যে) হাঁ শুন্নে পেয়েছি । তাই আমার  
কর্ণ কুহরে যেন সূধা বরিষণ হচ্ছে ।

কর্ণ । (পরিভ্রাষে) মহারাজ, আজি আমার মনোবাঞ্ছা  
পূর্ণ হলো । আর আপনার যে বিপক্ষ বিনাশ  
হলো তার আর সন্দেহ নাই । এইবার নিকণ্টকে  
রাজ্য ভোগ করুন ।

দ্রুয্যো । কি আশ্চর্য্য হে ! ওদের যে এত প্রণয়ে এত বিচ্ছেদ  
হবে, এ ত স্বপ্নের অগোচর ।

কর্ণ । মহারাজ, পাণ্ডবেরা যে নিজে মানুষ ভাল নয় ।  
(উর্দ্ধ দিকে দৃষ্টি করিয়া) আঃ! শীঘ্র নিপাত হক্ !  
নিপাত হক্ !

বিহু । (পশ্চাতে থাকিয়া প্রবেশ করিয়া) কি হে ! তোমরা  
কাকে নিপাত কচ্চ ?

কর্ণ । আমাদের শত্রু নিপাত হক্ এই বল্টি ।

বিহু । তোমরা ত স্বহস্তে করতে পারলে না ; তবে এখন  
পরে করলে তাতে তোমাদের প্রশংসা কি ?

কর্ণ । তা যে করুক না কেন, আমাদের শত্রু মলেই  
আমাদের মঙ্গল ।

বিদু। তাও কি হতে পারে হে? কথা ধর্ম তথা জয়।

দুর্ঘো। (সক্রোধে) আমাদের খুশি যা বলি আর যা করি, তোমার কি?

কর্ণ। মহারাজ, জানতে ত পারেন নাই, যেমন রাক্ষস কুলে বিভীষণ তেমনি কুরু কুলে বিদুর।

বিদু। (সক্রোধে) কি বললি সূত সূত? তুই কি বললি? দুর্ঘোষন বালক, তাই তাকে দুঃখ দে কাল সর্প পুষেছে।

দুর্ঘো। তা যা হক্ তোমাকে ডাকি নাই, তুমি যাও।

বিদু। মহারাজ, আমাকে ডাকবে কেন? আমি ত স্নহদ নই। [প্রস্থান]

পুনর্বার নেপথ্যে শব্দ।

ও তাই জগতের লোক সকল, তোমরা শোন: যে পাণ্ডব শ্রীকৃষ্ণের প্রাণ তুল্য বাস্তু ছিল, সেই পাণ্ডবকে শ্রীকৃষ্ণ আপন হস্তে বিনাশ করিবেন।

রাজসভার অন্য দিকে দ্রোণাচার্য্য কৃপাচার্য্য ও ভীষ্মদেবের প্রবেশ।

ভীষ্ম। উঃ! আচম্বিত এ কি ভয়ঙ্কর শব্দ হলো হে? কথাটা বড় বুঝতে পারলেম না!

দ্রোণ। বুঝতে পারেন নাই? শ্রীকৃষ্ণের সঙ্গে পাণ্ডবের যুদ্ধ।

ভীষ্ম। (সবিস্ময়ে) কি সর্বনাশ! কেন, যুদ্ধটির ত তেমন লোক নয়?

দুর্ঘো। দেখ সখা, পুনঃ শব্দ হচ্ছে। এক বার পিতামহ সমীপে এর বিশেষ জানা উচিত।

কর্ণ। হে আজ্ঞা, চলুন।

রূপা। (ভীমের প্রতি) বিবাদ কেবল ভীমের সঙ্গে।

জ্যোৎ। ষার সঙ্গে হক, এত প্রণয়ে এত বিচ্ছেদ?

রূপা। (কর্ণ ও দুর্ঘোষের মুখ নিরীক্ষণ করিয়া) প্রণয় চির দিন থাকে না।

কর্ণ। খালের থাকে না।

জ্যোৎ। (জনান্তিকে রূপের প্রতি) পাণ্ডব খল আর ওঁরী বড় সরল।

ভীম। আচার্য্য মহাশয়, এ বিবাদের কারণ কি?

রূপা। কারণ ভীম।

দুর্ঘো। (জনান্তিকে) সখা, শুনলে হে, ভীম যে চুক্ত, সে কার সঙ্গে বিবাদ না করছে।

কর্ণ। তাই ত মহারাজ, আমি বোধ করি দ্বারকার অনেক উত্তমা স্ত্রী আছে, ভীম কার পানে চেয়ে থাকবে।

দুর্ঘো। না হে না, তা নয়।

কর্ণ। হাঁ মহারাজ, ওদের নাকি সেই বোধ আছে? দেখুন দেখি কি মনুষ্য জাতি, কি পশু পক্ষি, সকলেই স্বজাতি ভিন্ন গ্রহণ করে না। ভীমের সকলই অসম্ভব। হিড়িম্বা রাক্ষসী, অনায়াসে তারই সঙ্গে মিলিত হলো। আবার দেখুন, যে কাল সর্পকে দেখলে শত হস্ত অন্তরে পলায়ন করতে হয়, অর্জুন সেই উল্লুপী নাগিনীকে বিবাহ কল্লে। আর ধর্ম পুত্র যুধিষ্ঠির, তিনি বেশ্যাগমন করেন। দ্রৌপদীর কি সতীত্ব আছে?

দুর্ঘো। আমার মনে বড় উদ্বেগ হচ্ছে হে। বিশেষ শুনি আগে।

ভীম। (রূপের প্রতি) ভীমের অপরাধ?

রূপ। অপরাধ, সেই দণ্ডীরাজকে ভীম রেখেচে।  
সকলে। এই কর্মটি ভীম বড় অন্যায় করেছে।

[ সকলের প্রস্থান ]

হুর্ঘ্যোখন ও হুর্শামনের প্রবেশ।

হুর্শা। দাদা মহাশয়, আমি আপনার চরণে ধরি, ক্ষান্ত  
হউন, যাক্ শত্রু পরে পরে। শত্রু পক্ষে সপক্ষ  
হয়ে যে যাদবের সঙ্গে যুদ্ধ করা, এ আমার ত মত  
হয় না।

হুর্ঘ্যো। এমন পাগল ভাই? তুমি বালক ভাই এমন কথা  
বল। আমাদের যে ও পক্ষে সপক্ষ হওয়া, কেবল  
মৌখিক, আন্তরিক নয়। না যাউলে সকলে  
নিন্দা করবে।

হুর্শা। তবে আপনার যা মন, তাই করুন।

[ উভয়ের প্রস্থান ]

হস্তিনা রাজ্যস্থপু্রে রাণী ভানুমতী শশিমুখী হুর্শীলা

দ্রৌপদী সূতদ্রা এবং কুম্ভার প্রবেশ।

ভানু। হেলা সূতদ্রা, তুই কেমন মেয়ে লা? তোর একটু  
লজ্জা নাই? তুই বৌ মানুষ; কোথাকার  
একটা অপরিচিত পুরুষ, সে আবার তোরই ভেয়ের  
শত্রু; তাকে কেমন করে ডেকে ঘরে আন্লি লা?

সূতদ্রা। (সক্রোধে) তুমি চুপ কর। যে যেমন বোঝে  
সে তেমন করে। তোমাদের কি গা?

ভানু। আমাদের কি নয় কেন? এই যেরূপ স্থলে সকলে  
গেল। এখন কারূ কপালে কি আছে তা ত বলা



- কায় না। এত সাদা সাদা সাদা নয়, দেবতাদের সঙ্গে।
- ভদ্রা। হক্ না দেবতা, তার ভয় কি আছে? মর্মে ভয় হবেই হবে।
- শশি। ওলো সুভদ্রা, তুই ধর্ম ধর্ম করিলুনে লো। কেবল তোরাই কি ধর্ম করতে জানিস, আর আমরাই কি অধর্ম করি?
- ভদ্রা। তা তোর মনে বুঝে দেখ।
- শশি। ওলো তুই মনে বুঝে দেখ। ভাস্করের সঙ্গে চুপে চুপে পরামর্শ করে করে, এই অনর্থ ঘটালি। এতে যে কত জীবের হতো, তা জানিস? ছি না ছি! আমরা লজ্জায় মরে যেতাম। এত দিন মর কর্চি, তা কেউ কখন বলুক দো! যে ভাস্করের সাক্ষাতে বেরিইচি?
- ভদ্রা। তা তোদের ভাতারেরা যে এক শত ভাই স্বতন্ত্র; আর আমাদের পাঁচটিতে যে একটা।
- ছঃশী। হেলা সুভদ্রা, তবে তুই ও কি দ্রৌপদীর তন হয়েছিস নাকি?
- ভদ্রা। তা বাই হই, তোর যদি ইচ্ছে হয়ে থাকে, না হয় তুই ও ভাই হ।
- ছঃশী। আ পোড়া কপাল আর কি? আমরা তেমন মেয়ে নই, যে ভেয়ের সঙ্গে বেরিয়ে যাব।
- দ্রৌপ। হেলা ভানুমতি, তোর তখন তোদের ভাতারদের যেতে দিলিই বা কেন, আর এত কথা কৈতে এলিই বা কেন?
- চানু। তোর ভাতারেরা এসে যে রাতার পায়ে ধরে নে গেল।

ভদ্রা। কাঠ বেয়ালে সাগর বেঁধে দেবে, তাই নেগেছেন।  
কুন্তী। (সবিনয়) তা বা হবার তা ত হয়েছে; এখন  
তোরা কেন মা ঘরে ঘরে বিবাদ করিস? বা, যে যার  
আপনার ঘরে যা।

[ সকলের প্রস্থান ]

রাজতবনে ধৃতরাষ্ট্র এবং সঞ্জয়ের প্রবেশ।

ধৃত। ইঃ! এত গোল কেন হচ্ছে হে?  
সঞ্জ। আজ্ঞা, আপনি কি কিছুই শুনে নাই?  
ধৃত। টেক না। কিছুই ত শুনি নাই।  
সঞ্জ। পাণ্ডবের সঙ্গে শ্রীকৃষ্ণের যুদ্ধ হচ্ছে তারই এত  
শব্দ।  
ধৃত। (স্বগত) হক্! হক্! (প্রকাশে) কেন হে, ওদের  
এমন হলো কেন?  
সঞ্জ। হলো, দৈবী ভীমের সঙ্গে।  
ধৃত। এখন যুদ্ধিতির কি যুক্তি করলেন?  
সঞ্জ। আজ্ঞা, এঁরা পাঁচ ভাই একত্র হয়ে শ্রীকৃষ্ণের সঙ্গে  
যুদ্ধ আরম্ভ করেছেন।  
ধৃত। এটা যুদ্ধিতির বড় অন্যায় হয়েছে। ভীম যেমন  
চুষ্ট, তার মতন দমন করা উচিত ছিল।  
সঞ্জ। এ আপনার কেমন বিচার মহারাজ? ভীম  
আপনার কি পর হর? ভীমকে রক্ষা মারবেন,  
আর যুদ্ধিতির তাই চক্ষে দেখবেন? এঁরা ভীমের  
সঙ্গে প্রাণ দিবেন এই পণ করেছেন।  
ধৃত। (স্বগত) তবু এক প্রকার ভাল। (প্রকাশে) হঁ,  
তার পর?

- সঞ্জ। তার পর, এখন কি হয় বলা যায় না। কেন  
 ছুর্যোধন আপনাকে কি বলে যান নাই?
- ধৃত। (সসম্ভ্রমে) কি? দুর্যোধন কোথা গেছে?
- সঞ্জ। আজ্ঞা, তিনিও সেই যুদ্ধে গেছেন।
- ধৃত। কি বিজ্ঞাট! সে কি একা গেছে?
- সঞ্জ। আজ্ঞা না। ভীষ্ম, দ্রোণ, কর্ণ, প্রভৃতি সকলেই  
 গেছেন।
- ধৃত। এঁরা কার পক্ষে?
- সঞ্জ। আজ্ঞা, এঁরা পাণ্ডবের পক্ষে।
- ধৃত। (সক্রোধে) ছুর্যোধন এই কর্ম্ম ভাল করেন নাই।  
 আমাকে ত কোন কথা জিজ্ঞাসা করেন না।  
 আমাদের এ দ্বন্দে আবশ্যিক কি? যাদবের সঙ্গে  
 কি পেরে উঠবে?
- সঞ্জ। মহারাজ, এতে আপনি ছুঃখিত হবেন না।  
 দুর্যোধন আপনার যেমন সন্তান, পাণ্ডব তেমনি,  
 এই বিপদ সময়ে সহায় না হলে, এতে আপনার  
 দুর্নাম হতো। ছুর্যোধন এ উত্তম বিবেচনা করে-  
 ছেন।
- ধৃত। ভাল! ভাল!

[ উভয়ের প্রস্থান। ]

### অমরাবতী।

অম্বুপুরে শচী, মুরজা ও রম্মার প্রবেশ।

- শচী। কি লো রম্মা, কি মনে করে? তুই এত কাঁপছিস্  
 কেন লো?
- রম্মা। দেবী, আমার বড় ভয় হয়েছে তাই হেথা এলেম।

- শচী । কেন রে ? কিসের ভয় ?
- রস্তা । কি জানি পৃথিবীতে কি হয়েছে; বড় গোল হচ্ছে; আর এক এক বার যে কেমন কেমন ভয়ঙ্কর শব্দ হচ্ছে, আপনারা একটু স্থির হয়ে শুনুন দেখি; ঐ দেখুন এক এক বার স্বর্গ পর্য্যন্ত কেঁপে উঠছে।
- শচী । সখি, কেন এমন হচ্ছে বল দেখি ?
- মুর । দেবী, তুমি ত কোন খবর রাখ না। কেবল দেব-রাজের সঙ্গে রঙ্গ ভঙ্গ মগ্ন থাক।
- শচী । (সহাস্য বদনে) হাঁ, তুমি ত রঙ্গ ভঙ্গ কিছুই করতে জান না।
- মুর । (হাস্য মুখে) ওলো রস্তা! তোদের উর্ধ্বশী যে আবার স্বর্গে আসছে।
- শচী । কে বললে ?
- মুর । এমনি ত শুনলেম।
- শচী । তুমি কোথেকে শুনলে ?
- মুর । আমি কোথা শুনলেম! দেব ঋষি নারদ ভগবতী পার্শ্বতীকে ঐ কথা বলছিলেন। সকল কথা শুনতে পেলেম না। তুমি ডেকে পাঠালে আমি অমনি চলে এলেম।
- রস্তা । দেবী, একটু থেকে সব শুনতে হয়।
- শচী । পাগোল নাকি ? নারদের কথা সকলই ত সত্যি! দেখ উর্ধ্বশী এল নাকি ?
- মুর । কেমন মিছে তা দেখতেই পাবে।
- শচী । তা দেখা আছে। ওলো রস্তা, তুই একটা গান কর দেখি।
- রস্তা । দেবী, এখন মনের ঠিক নাই।

- শচী। ওলো, তোর আবার কিনে বেঠিক হলো? এখন  
গা না। সখি, তুমি আজ বাজাও ভাই।
- মুর। আমি যদি বাজাব, তবে তোমাকে নাচতে হবে।
- শচী। (মহানো) তাই হবে, তোমরা আরস্ত কর না।
- রত্না। দেবী বল্চেন, কিন্তু এখন ভাল হবে না।
- মুর। তবে ভাল পুরস্কার পাবি নে।
- রত্না। (সহানামুখে) দেবী আপনি হচ্ছেন ধনেশ্বরের  
মহিষী, কোথা কি পাবেন যে দেবেন?
- শচী। আঃ! আর দেরি করিস্ কেন?
- মুর। ওলো একটা ভাল বিরহ গা দেখি।
- শচী। বালাই! অমন অমঙ্গল গান গাস্নে লো।
- রত্না। তবে কি আজ্ঞা হয়?
- শচী। একটা বসন্ত আগমন গা।
- রত্না। যে আজ্ঞা।

গীত।

সুখ বসন্ত কালে।

সুখে নারী শুকে, থাকে মুখে, মনের সুখে ডাকে, ডালে কোকিলে।

কুসুম কাননে অশোক করবী, গন্ধরাজ আর মল্লিকা মাধবী,

মুঞ্জরিছে কলি, গুঞ্জরিছে অলি, সুখে সরোদিনী ভাসে সলিলে।

এসুখ নিশিঙে, হাসিতে খুসিঙে, রতি পতি রমে ভাসিতে,২,

সুখক বুভুভী মন সুখি অতি, বিরহিনী ভাসে চক্কর জলে।

শচী। বাঃ! রত্না এই নে আমার মুক্তার মালা ছড়াটা  
তুই পর।

মুর। এই নে, আমার মনি অঙ্গুরী তুই নে।

রত্না। দেবী, আর কি আজ্ঞা হয়

বিজয়ার প্রবেশ।

বিজ। (বহির্দ্বার হৈতে উচ্চস্বরে) ও মা! হাঁ গা, আমার মা  
এখানে আছে?

- মুর। হাঁ আছি। কেও বিজয়া? হেথা আয় রে।
- বিজ্ঞ। মা তুমি শিগগির করে ঘরে এস।
- শচী। কেন গা, এত ব্যস্ত কেন?
- মুর। কেন কি হয়েছে?
- বিজ্ঞ। বাবার বড় বিপদ।
- রত্না। কেন কেউ অভিসম্পাৎ করেছে না কি?
- বিজ্ঞ। বালাই, তা কেন হবে?
- শচী। তবে এমন কি বিপদ?
- বিজ্ঞ। ভগবান্ শ্রীকৃষ্ণ পৃথিবীর রাজাদের সঙ্গে যুদ্ধ করবেন বলে সকল দেবতাদিগে নে গেলেন। তা আমাদের ভগবান্ ভবানীপতি আপনার সৈন্য নিয়ে সেই রণস্থলে গেলেন। তা আবার শুনলেম যে দেবতারা পরাজয় হয়েছেন!
- সকলে। কি দৈব! এমন ত কখন হয় না! তার পর?
- বিজ্ঞ। তার পর শুনলেম যে তারা এমনি বাণ মেয়েছে, যে সব দেবতা অস্থির হয়েছেন।
- শচী। কি অপমান! তার পর?
- বিজ্ঞ। তার পর, ভগবতী পার্শ্বতী দেবী অসি হস্তে সেই রণস্থলে গেলেন, আর আমাদের আজ্ঞা দিলেন, তোমরা আমার পশ্চাৎ এস।
- সকলে। তবে আর আমাদের ভাবনা কি?
- শচী। (বিজ্ঞার প্রতি) অমন করে দাঁড়িয়ে তৈলে কেন মা? বোসো।
- মুর। শচী দেবী, আর বোস্ব না; এখন অলকায় যাই।
- শচী। দেখ সখী, এই কথাটা শুনে মনটা কেমন হয়ে গেল। একে ত ছুঁই দৈত্য ভয়ে দিবা রাত্রি প্রাণ সশঙ্কিত।

রণস্থলী স্বর্গীরাঙ্গা অধিনী রূপা উর্কনী, কৃষ্ণ, মহাদেব ও অন্য দেবতা  
ও রাজগণের প্রবেশ।

উর্কনী। (স্বগত) এই যে সকল দেবতা দাসীর প্রতি সুপ্রসন্ন  
হয়েছেন। দেখি দেখি অষ্ট বজ্র গণনা করে দেখি।  
(মস্তক উত্তোলন করিয়া চন্দ্রদিক্ অবলোকন ও বজ্র গণনা)  
বিক্রম চক্র এক, ব্রহ্মার অক্ষ দুই, শিবের শূল তিন,  
ইন্দ্রের বজ্র চারি, কার্ত্তিকের শক্তি পাঁচ, বক্রগণের  
পাশ ছয়, যমের দণ্ড সাত, পার্শ্বতীর খড়্গ আট।

[ উর্কনীর স্বরূপ ধারণ ]

সকলে। (সবিস্ময়ে) কি আশ্চর্য্য! (অস্ত্র ত্যাগ)

রাজাগণ। (পরস্পর মুখাবলোকন) তাই ত হে এমন আশ্চর্য্য  
ত কখন দেখি নাই। তুরঙ্গী চার্ব্বঙ্গী হলো! কি  
অস্ত্রুত! এ দেব মায়ী!

গীত।

মরি কিবা, চমৎকার হেরিছু নয়নে।

জগত যুড়িয়া আলো করে এ রমণী পনে ॥

ছন্নবেশে তুরঙ্গিনী, হয়েছিল এ কামিনী, পূর্বেজগৎ ফলে দণ্ডী  
লভেছিল কাননে।

অসুমান হয় ধনী, না হইবে মানবিনী, বরষি আনন্দ সুখা  
নোহিছে জগত জনে ॥

দেবগণ। (কৃতজ্ঞলি পুটে শ্রীকৃষ্ণের প্রতি) প্রভু, এক্ষণে আমা-  
দিগে কি আজ্ঞা হয়?

কৃষ্ণ। (সপরিতোষে) আপনারা অনেক পরিশ্রম কর্ব্বলেন,  
এক্ষণে স্ব স্ব স্থানে গমন করুন।

দেবগণ। যে আজ্ঞা।

মহাদেব। (শ্রীকৃষ্ণের প্রতি)

ত্রিপদি।

মথিয়া জলধি, ওহে গুণ নিধি, কমলা কৈলে উদ্ভব।  
 সেই রূপ দেখি, হে কমল আঁখি, তব কাণ্ড অসম্ভব ॥  
 আছিল তুরঙ্গী, হইল চার্কী, দেখে লাগে চমৎকার।  
 দণ্ডী দণ্ডধরে, চাহ দণ্ডিবারে, বুঝিলাম হেতু তার ॥  
 পাণ্ডব সুভক্ত, তব অনুরক্ত, বাড়াইলে তারি মান্য।  
 আশ্চর্যা সমর, পরাস্ত অমর, তব রূপা ধন্য ধন্য ॥  
 সত্য দ্বিজ বাক্য, করি কমলাক্ষ, অফট বজ্র মিলাইলে।  
 উর্কীণী উদ্ধার, করে সাধ্য কার, অসাধ্য কার্যা সাধিলে ॥  
 দয়াময়, আপনার যে বাসনা পূর্ণ হলো, তাতেই  
 আমাদের পরিশ্রম সফল হয়েছে।

কৃষ্ণ। (মহাদেবকে আলিঙ্গন করিয়া সধিনয়ে) বিশ্বনাথ,  
 আমার প্রতি যেন আপনার অনুগ্রহ থাকে।

[ রাজা ও দেবতাগণের প্রস্থান ]

[ নেপথ্য ধ্বনি ]

নারদের প্রবেশ।

নারদ। (স্বগত) হাঁ! বেস বিবাদটী হয়ে উঠেছিল।  
 তা দৈব বশে সকলই বৃথা হলো। (প্রকাশে) ওহে  
 অমরগণ, তোমাদের মৃত্যু নাই, এজন্য এবার রক্ষা  
 পাইলে। পৃথিবীর মানব রাজা সকল, তোমরাই  
 ধন্য, তোমাদের বশে বসুন্ধরা পরিপূর্ণ হলো।

[ প্রস্থান ]

দণ্ডি। (উর্কীণীর হস্তধারণের চেষ্টা) সুন্দরী!

উর্কী। মহারাজ, আর কেন? এখন আমাকে ক্ষমা কর।

রাজা। প্রিয়সী, তুমি কি বলে? তোমার কথা আমি  
 কিছুই বুঝতে পার্লাম না।



উর্ধ্বী। আঃ! হাত ছেড়ে দাও না।

রাজা। না প্রিয়ে তা হবে না! চল গৃহে চল।

উর্ধ্বী। (বালু চিত্তে) মহারাজ, আর আমি থাকতে পারি না, স্বর্গে যাই। আমার সঙ্গে আর দেখা হবে না; ছেড়ে দাও।

রাজা। প্রিয়ে, তুমি সকলই কি ভুলে গেলে?

[ ভূতলে পতন ও মোহ প্রাপ্তি। ]

উর্ধ্বী। আঃ! এ যে বিষম দায় হলো! এ কি মহারাজ? ওঠে, আপনার রাজ্যে যাও; আমি যাই।

রাজা। (চেতন পাইয়া) সুন্দরী, তোমার কথায় আমি সম্পূর্ণ বিশ্বাস করিতাম যে স্বর্গ নিবাসী যারা, তারা কখন মিথ্যা কথা প্রভারণা জানে না। অতএব সুধামুখি, তুমি কেন আমার প্রতি প্রতিকূল হলে?

উর্ধ্বী। মহারাজ, এখন অনেক কথা শুনিবার সময় নয়। আমি আর দেরি করতে পারি না।

রাজা। (অতি কাতরে)

ত্রিপদী।

কেন হে সুধাংশুমুখি, সে ভাবে অভাব দেখি,  
কোথা যাবে ব্যথাদিয়ে মনে।

আমি অনুগত দাস, আমাকে করে নৈরাশ,  
স্বর্গে বাস করিবে একগণে?

ভেবে দেখ নিজ মনে, বলেছিলে চন্দ্রাননে,  
অদ্বাপি স্মরণ আছে মম।

তোমাতে জীবন মন, করেছিহে সমর্পণ,  
তব নিকেতন স্বর্গ মম।

দেখি দেব আখণ্ডে, বুদ্ধি সব ভুলে গেলে,  
ভাসালে তৈরাশ জলে ধনী।

বল দেখি প্রাণ প্রিয়ে, কেমনে রব বাঁচিয়ে,  
তোমা না দেখিয়ে বিনোদিনী।

উর্ধ্ব। (স্বগত) কি আপদ! যেতে পায়ে হয়।

রাজা। প্রিয়নী, এক বার পূর্ব কথা মনে করে দেখ।

উর্ধ্ব। (স্বগত) • এটা কি নির্বোধ! পক্ষ করে বলেও যে  
বোঝে না।

রাজা। প্রিয়ে, তুমি কি আর আমার কথার উত্তর  
দেবে না?

উর্ধ্ব। কি জ্বালা! আবার কি করে বলতে হবে? আমি  
এখন যাই।

রাজা। স্তম্ভরী যাই যাই করো না; কোথা যাবে?

উর্ধ্ব। (স্বগত) অনেক দিনের পর স্মরণার্থকে দেখে আমার  
মন স্থির হয় না; তাঁহাকেও বোধ হয় ব্যস্ত দেখছি।  
এখন আর এর অনুরোধ গুনতে পারি না!

রাজা। প্রিয়নী, তোমার মনে কি একটু দয়া হয় না? আমি  
তোমার অনুগত।

উর্ধ্ব। (হাস্য মুখে) মহারাজ, এমন প্রণয় অনেক করেছি,  
কিন্তু থাকে না।

রাজা। কেন থাকবে না? রাগলেই থাকে।

উর্ধ্ব। মহারাজ, তাবের স্বভাব যে চঞ্চল।

রাজা। না তা নয়; যথার্থ যে প্রণয় তার বিচ্ছেদ হয় না।

উর্ধ্ব। (স্বগত) প্রকৃত ভালবাসার ভঙ্গ নাই বটে, যেমন  
ইঞ্জের সহিত আমার সৌহার্দ ভাব।

রাজা। প্রিয়ে, এমন কথা মনে করো না।

উর্ধ্ব। মহারাজ! তুমি জান না, এখন আমি যাই।

রাজা। কপসী, এ তোমার উচিত নয়।

উর্ধ্ব। মহারাজ, এই উচিত।

রাজা। (উর্ধ্বশীর হস্ত ধারণ কবিয়া) প্রাণ প্রিয়ে, আমি এই জানিতাম, যে স্ত্রীলোকের স্বভাব অতি কোমল, আমার অদৃষ্টে তুমি অতিশয় কঠিন হলে; তোমার কথায় আমার মর্ম্ম ভেদ হচ্ছে। হে কোমলাঙ্গী, তোমার শীতল অঙ্গ একবার স্পর্শ করি এস।

উর্ধ্ব। (বিরক্তা) আঃ! কি কর, কোথা হাত দেও?

রাজা। (সবিনয়ে) প্রিয়সী, আর একটু থাক, আমার একটা কথা শুন।

উর্ধ্ব। কি বলবে বল। শিগ্গির: আমি যাই।

রাজা। (উর্ধ্বশীর ভাব দেখিয়া রাজা অবাক হইয়া রহিলেন।)

উর্ধ্ব। মহারাজ, তুমি কি কখন প্রণয় কর নাই?

গীত।

বলিহে তোমারে ভবে কেন ভাব অকারণ।

প্রসোধি আপন মন আলয়ে কর গমন ॥

বুঝিলাম নরপতি, প্রেমে তুমি নব ব্রতি, না জানিয়া রীতি  
নীতি, হও অতি উচাটন।

প্রণয় করেছি যত, পরিচয় দিব কত, হই নাই তব মত,  
ভাবিত এমন ॥

ত্রিপদী।

দেখিয়া তোমার রীতি, হাসি পায় নরপতি;

আর কেন করহে রোদন।

যে হলোনা অনুগত, তাতে রত কেন এত,  
বুঝিয়ে না বোঝ কি কারণ ॥

এই কর্ম চির কাল, করে কাটায়েছি কাল,  
ভাল বেগেচিহ্নে কত জনে।

সাক্ষাতে দেখিলে রঙ্গ, পাইয়া তোমার সঙ্গ,  
তা সবাকে পাসরিবু মনে ॥

যার বুদ্ধি নাই ঘটে, তারি এ ঘটনা ঘটে,  
পরকে আপন মনে করে।

একে ত ছুর্নাম রটে, দ্বিতীয় পড়ে সঙ্গটে,  
বটে কি না বোঝহে অন্তরে ॥

জলবিষ এ প্রণয়, আপনি উৎপত্তি লয়,  
হয় এই জগতে বিদিত।

ভোজবাজি কলিকার, এ ভাবের ব্যবহার,  
কেবল গরজে বিমোহিত ॥

আনন্দ উৎসবে মন, মগ্ন থাকে অনুক্ষণ,  
যেন ভিন্ন নহে এক দেহ।

শেষে পরিতৃপ্ত হয়ে, হিতাহিত না ভাবিয়ে,  
বিসর্জন দেয় তেজি স্নেহ ॥

কোন কর্ম অতিশয়, করা ত উচিত নয়,  
অতি ভাবে অধিক বিচ্ছেদ।

এ কর্মের এই কল, হাতে হাতে প্রতিকল,  
কান্ত হও আর কেন খেদ ॥

হিত হেতু বলি স্পষ্ট, সম্বর মনের কষ্ট,  
ভূতপূর্ব হওহে বিন্মৃত।

কহিতে আইসে লাজ, আমাদের এই কাজ,  
এই দেখা এজন্মের মত ॥

রাজা।

গীত।

কি কব মনেদি কথা, সকল রহিল মনে।

এমন হইবে শেষে, না জানি কখন জানে ॥

কি আর জানাব আমি, জানেন অন্নরথামী,

সুনিয়া তোমার বাণী. যে করে আমার প্রাণে।

করেছিহু এক আশা, ঘটিল আর এক দশা,

বিষম স্বপন ধনী, দেখালে অধীন জনে ॥ (রোদন।)

উর্ধ্ব। মহারাজ, আমার প্রাণ ব্যাকুল হইছে, আমি যাই।

রাজা। আর কি উত্তর করব, এখন ভাল উপদেশ  
পেলেম।

উর্ধ্ব। তবে আর তুমিও যাও, আমিও যাই।

রাজা। আর কোথা যাব; আর আমার কি আছে।

উর্ধ্ব। আপনি থাকলে সকলই আছে।

রাজা। প্রিয়নী, তোমার এমন ধর্ম নয়।

উর্ধ্ব। আর আমি এখন যাই।

[ সকলের প্রস্থান ]

রাক্ষস ও রাক্ষসীর প্রবেশ।

রাক্ষসী। আঃ! আজি যে কার মুখ দেখেছিলেম, যে তামাম  
দিনটা পেটের আলায় মরে গেলেম। (রোদন করিতে  
করিতে উচ্চস্বরে) ওরে মায়াধর! তুই কোথা  
গেলি রে?

রাক্ষস। তুই অমন করে কাঁদিসু কেন রে? কোথা  
গেছিলি?

রাক্ষসী। একটা যুদ্ধ হচ্ছিল, তাই শুনতে পেরে সেখানে  
গেছিলাম।

রাফস। (আজ্ঞাদে নৃত্য করিতে) কি এনেছিস্ দেবে, দে দে খাই।

রাফসী। আমি আপনিই না খেতে পেয়ে মরে গেলেম, তা তোকে আবার কি দেব ?

রাফস। কেন রে ? কার সঙ্গে কে যুদ্ধ কল্লে ?

রাফসী। দেবতা আর মানুষে।

রাফস। তবে কেন এমন হলো ?

রাফসী। দেবতাদের কিছুই ক্ষমতা নাই।

রাফস। ইঃ! বলিস কি ? মানুষকে মারতে পারলে না ?

রাফসী। দেবতারা হেরে পালিয়ে গেল, দুই দলে একটাও মলো না ? একটু রক্ত পড়লেও খেয়ে বাঁচতাম।

রাফস। ওরে তুই কোন কাজেরই হলি নে ? সেই গোলের ভিতর হতে একটা মোটা রাজাকে ধরে আনতে পারলি নে ?

রাফসী। আমি মনে তাই করেছিলাম, তা সেই হনুমান মুখ-পোড়ারয়েছে দেখে পালিয়ে এলেম। ওরে তুই কোথা গেছিলি ? তোর পেটটা বড় উচু দেখছি ?

রাফস। আমি আজ খুব খেয়েছি রে।

রাফসী। কোথা পেলি ?

রাফস। আজি আমি হিড়িম্বা দেবীকে দেখতে গেছিলাম, তাঁর বেটা ঘটোৎকচ রণজয়ী হয়ে এসেছে, তাই আমরাদেগে কত কি খাওয়ালে।

[ উভয়ের প্রস্থান ]

কৈলাস শিখরে পার্বতী এবং পদ্মাবতীর প্রবেশ।

পদ্মা। (ঘোড় হস্তে) মা, আজি আমার বড় ভর হয়েছিল।

সেই রণ স্থলে উর্ধ্বশীর মুখপানে চেয়ে দেব  
দিগ্বরের বাঘাঘর অমনি খসে পড়লো! আমি যে  
সে সময়ে লজ্জায় কোথা পালাব তার আর পথ  
পাই না।

পার্ব্ব। তুই তখন কোথা ছিলি?

পদ্মা। আমি ত আপনার নিকটে ছিলাম।

পার্ব্ব। হাঁ, তার পর?

পদ্মা। তার পর আবার পোড়ারমুখো ভূত, তারাও কি সব  
কম না কি? আমাকে দেখে কত ভয় দেখাতে  
লাগলো! ওমা আমি কোথা যাব? সবাই কি  
নেংটা গা? কি ভয়ানক কাল, এমন ত কখন হয়  
নাই?

পার্ব্ব। কেন, হবে না কেন?

পদ্মা। অমনি হয়েছিল? হেঁ মা আবার বাবা কাকে দেখে  
ছিলেন গা? টেক কবে গা?

পার্ব্ব। তা তাঁর মনে নাই রে।

পদ্মা। কাকে দেখেছিলেন গা?

পার্ব্ব। আবার কাকে? সেই ত্রিভঙ্গকে।

পদ্মা। কেন, তিনি ত প্রকৃতি নন?

পার্ব্ব। তিনি যখন মোহিনী হয়েছিলেন।

পদ্মা। তিনি কেন মোহিনী হয়েছিলেন গা?

পার্ব্ব। তিনি যখন সমুদ্র মস্থন করেছিলেন।

পদ্মা। কেন মা? জলনিধি হন করলেন কেন?

পার্ব্ব। তাঁর লক্ষ্মী তখন সাগরে ছিলেন তাই।

পদ্মা। কি? লক্ষ্মী কেন সাগরে প্রবেশ করলেন?

পার্ব্ব। ঐ দুর্ভাগা মূনির অভিশাপে।

পদ্মা। হাঁ! মুনি ঠাকুর কি ছুরস্তু? হেঁ গা, সেই উর্ধ্বশী  
এখন কোথা গেল গা?

পার্কী। কেন সেয়ে আবার স্বর্গে এসেছে।

মহাদেবের প্রবেশ।

[ পদ্মাবতীর প্রস্থান। ]

মহা। (হাস্য মুখে) প্রিয়ে, তোমাদের কি কথা হচ্ছিল?

পার্কী। (হাস্য বদনে) দেব, আপনারই গুণানু কীর্তন হচ্ছিল;  
আর কি হবে?

মহা। (লজ্জিত হইয়া পার্কীতীর হস্ত ধারণ করিয়া) দেবি! গুণা-  
ধিকে, আমার ত কোন গুণ নাই। কেবল  
তোমারই গুণে রক্ষা পেলেম।

[ প্রস্থান। ]

পদ্মাবতী এবং বিজয়ার প্রবেশ।

বিজয়া। মহাদেবি, অন্দরা উর্ধ্বশী পাদপদ্ম দর্শনান্তি-  
লাষে এখানে এসেছে। কি আশ্চর্য হয়?

পার্কী। কৈ? তাকে এখানে আস্তে-বলে, বিজয়া।  
আমি শীঘ্র ফিরে আস্চি। [ প্রস্থান। ]

পদ্মা। ওমা! তবে কি হবে? আবার পাছে বাবা তেমনি  
করেন! তবেই ত বিভ্রাট! এখানে গনেশ দাদা,  
কার্ত্তিক দাদা রয়েছেন।

বিজ। তা তৈলেনই বা? সে এক দৈবে হয়েছিল।

পদ্মা। আঃ! দেবতার কি দৈব আছে?

[ উভয়ের প্রস্থান ]

উর্ধ্বশীর প্রবেশ।

উর্ধ্ব। আবার যে আমি এত শীঘ্র প্রপন্নময়ীর চরণদর্শন  
করতে পার্ব, এ আর মনে ছিল না।

[ নেপথ্যে গন্ধ ]



## উর্ধ্বশী মাটিক।

যার প্রতি দেবতা সঙ্কট, তার অসম্ভব ও সম্ভব হয়,  
আর যার প্রতি রুক্ট, তার সম্ভব ও অসম্ভব হয়।

[ নেপথ্যে হুঙ্কার। ]

ভূতগণের প্রবেশ ও মুখভঙ্গি দ্বারা ভয় প্রদর্শন।

উর্ধ্ব। (সত্রাসে) ও মা! কোথা যাব! রাম রাম! (নেপথ্যে  
ভয়ঙ্কর ধ্বনি।) কি হবে! রাম! রাম! রাম! (যোড়  
হস্তে) ওগো উপদেবতারা! তোমরা আমার পিতা  
হও, আমাকে ভয় দেখিও না।

[ বেগে প্রস্থান। ]

বিজয়ার প্রবেশ।

[ ভূতগণের নৃত্য! ]

বিজয়া। আঃ! মরণ আর কি! ও কি হচ্ছে!

[ প্রস্থান। ]

হস্তিনা রাজনিকেতনে ভীষ্ম দ্রোণাচার্য্য এবং কৃপাচার্য্যের প্রবেশ।

দ্রোণ। কুরুনাথ, এমন যুদ্ধ ত আমি আপনীর জানে কোথাও  
দেখি নাই! কি আশ্চর্য্য্য হে! কি অদ্ভুত কাণ্ড!

ভীষ্ম। এমন যুদ্ধ কোথাও দেখি নাই। সে যাহা হক্, এমন  
লজ্জা ত কখন পাই নাই। বালক কালে পিতার  
বিবাহ সময়ে প্রতিজ্ঞা করলেম্ যে স্ত্রীর মুখাব-  
লোকন করব না। আর যেমনই উত্তমা স্ত্রী হক্না  
কেন, তাতে ত আমার চিত্ত চঞ্চল হয় না; দেবতার  
চক্রে পড়ে আজ কি লজ্জা! কি লজ্জা!

দ্রোণ। কুরুরায়, আমি একে ব্রাহ্মণ তপস্বী, তার বৃদ্ধা-  
বস্থা; আমার কি ও সকল শোভা পায়? আজি  
জন সমাজে কি হাস্যাস্পদে পতিত হলেম হে!  
কি দৈব! কি দৈব!

রূপা। যে কর্ম দশ জনে করে, তাতে দোষ নাই হে।  
যুবতী রূপবতী দেখে কে না তার প্রতি কটাক্ষ  
করেছেন ?

ভীষ্ম। (দ্রোণের প্রতি) আচার্য্য মহাশয়, এঁর এখনও কি  
পর্য্যন্ত অভিলাষ তা বুঝতে পেরেছেন ?

রূপা। (হাস্য মুখে ভীষ্মের প্রতি) তেমন দুর্লভ রত্ন দরিদ্র  
ব্রাহ্মণের কি সম্ভবে? সে রাজ বংশোদ্ভব রাজ-  
ঋষিরই যোগ্য।

[ সকলের প্রস্থান। ]

হস্তিনা রাজমুণ্ডপে দুর্ঘোষন এবং রাণী ভাষ্করমতীর প্রবেশ।

দুর্ঘোষ। প্রিয়ে, দেখ আজি আমার অত্যন্ত পরিশ্রম হয়েছে।  
গাত্রে বড় বেদনা হয়েছে। আর বাণের অধিতে  
সর্ব শরীর দাহন হচ্ছে। তোমার কোমলাঙ্গ  
স্পর্শ করে শীতল হতে এলেম।

[ আলিঙ্গন করিতে হস্ত প্রসারণ। ]

ভানু। আঃ! আপনি এখন যান্। এমন করে আমাকে  
বিরক্ত করবেন না।

দুর্ঘোষ। (সবিস্ময়ে) কেন কি হয়েছে ?

ভানু। (সজল নেত্রে) মহাবাজ, পাণ্ডব আমাদের পরম শত্রু।

দুর্ঘোষ। হাঁ, তার এখন কি হলো বল না।

ভানু। (অধোবদনে) কৃষ্ণ আমাদের কুটুম্ব হচ্ছেন।

দুর্ঘোষ। হাঁ, তা হচ্ছেন তার কি ?

ভানু। আপনি এত রাগ করেন কেন ?

দুর্ঘোষ। (হাস্য মুখে) প্রিয়ে, না রাগ করি নাই। তুমি কি  
বল্চ বল।

ভানু। আমি এই বল্টি যে, ক্রুকের সঙ্গে বিবাদ করা এটা কি ভাল বিবেচনা হয়েছে ?

ছুর্যো। এই কথা, তাই এত রোষ? (হাস্য মুখে) দেবি, তুমি হচ্ছ স্ত্রী, তোমার ত কোন বোধ নাই, তাই এমন কথা বল। দেখ দেখি আমাদের কত পরাক্রম প্রকাশ হলো, দেবতার। পরাজয় হলেন, আর পৃথিবীতে কুরু ধন্য ধন্য এই রব হল। দেবি, পুরুষের এর অধিক আর কি পৌরুষ আছে, তা বল দেখি?

ভানু। (নীরব।) [ উভয়ের প্রশ্নান। ]

অমরাবতীতে ইন্দ্র এবং চিত্ররথের প্রবেশ।

ইন্দ্র। (চিত্ররথের প্রতি) কি হে? তুমি যে এখন এখানে?

চিত্র। আজ্ঞা আমি এই আস্টি।

ইন্দ্র। আর কি বেলা আছে?

চিত্র। আমি সকল প্রস্তুত করে আপনাকে সংবাদ দিতে এলেম; আপনি না সেখানে গেলে ত নৃত্য আরম্ভ হবে না।

ইন্দ্র। তবে চল।

চিত্র। যে আজ্ঞা আসুন।

[ উভয়ের প্রশ্নান। ]

যবনিকার অভ্যন্তরে নৃত্যের স্থান। অনন্তর যবনিকা উন্মোচন ও

রঙ্গভূমিতে ইন্দ্রাদি দেবতার প্রকাশ; ও অগ্‌সরীদিগের নৃত্য।

রস্তা। ওলো, নাচ্ লো নাচ্, ভাল করে নাচ্।

উর্ধ্ব। আমি একা নাচ্ কেন? তুইও নাচ্।

[ উভয়ের নৃত্য। ]

ইন্দ্র। (চিত্ররথের প্রতি) আঃ! আজ তুমি এ কি কচ্চো হে?

চিত্র। (সভয়ে) দেব, কেন আমার কি অপরাধ হলো?

ইন্দ্র। তুমি এষ আজি বাজাতেই পাল্লে না, কেবল ওদের মুখপানেই যে চেয়েই রয়েছ।

চিত্র। (লজ্জিত ও অধোবদন)।

[পুনর্বার বাদ্য আরম্ভ।]

রস্তা। (উর্কশীর প্রতি) তুমি একটা গান করনা ভাই।

চিত্র। (উর্কশীর প্রতি) সুন্দরি, সময় বিবেচনা করে গাও।

উর্ক। (হাস্য মুখে) যে আজ্ঞা।

গীত।

মরি মদন হৃৎশে।

করে পঞ্চাণ, করিয়ে সঙ্কান, বিরহিণির প্রাণ, বধিতে এসে ॥

পিক মধুকর, তাহার কিঙ্কর, করের কারণে পীড়ে নিরন্তর;

পূর্ণ শশধর, যেন বিসধর, বিষ বৃষ্টি করে থেকে আকাশে।

হাসে করসুড়ে, করিগো মিনতি, বলি রতি পতি, শুম রে দুর্গতি;

যে ছিল সংগতি, নাই রে সংহতি, আছি বিচ্ছেদ ত্রতি, পতি বিদেশে ॥

ইন্দ্র। (সপরিচোষে উর্কশীকে পারিজাতের মালা প্রদান করেন।)

উর্ক। (স্বগত) আমার যে আবার এমন দিন হবে, তা ত মনে ছিল না।

রস্তা। (উর্কশীকে অন্য মনা দেখিয়া) হেঁ ভাই তুমি কি ভাব্চ, তোমার কার জন্যে মন কেমন কচ্চে, বল না?

শচী। (ইন্দ্রের প্রতি) নাথ, এ আপনার বড় অন্যায়।

ইন্দ্র। কেন, অন্যায় কি?

শচী। রস্তার কি অপরাধ?

উর্ক। (স্বগত) রস্তার প্রতি যে ভারি টান!

উর্ধ্বশী নাটক।

- ইন্দ্র । ও গান করুক তবে দিব ।
- চিত্র । (হাস্য মুখে) তা বৈ কি, অমন কেন দেবেন ?
- ইন্দ্র । তুমি চুপ করছে ।
- শচী । (রম্মার প্রতি) ওরে রম্মা !
- রম্মা । কি আজ্ঞা, দেবি ?
- শচী । তুই গান গা ত ।
- রম্মা । যে আজ্ঞা । [নেপথ্যে শঙ্খ ধ্বনি ]
- ইন্দ্র । (শচীর প্রতি) প্রিয়ে, দেখ কেমন মধু যামিনী ।
- শচী । (সহাস্যে) নাথ, আর দেখুন, রজনীতে সরোজিনীকে নিম্নীলিত দেখে ভ্রমর সকল সরোবর হতে ফিরে আস্চে ঐ; এই দিকেই যে আস্চে !
- ইন্দ্র । (শচীর প্রতি) শশিমুখি ওরা কি ভাবে আস্চে তা বুঝতে পেরেছ ?
- শচী । কি ভাব বুঝতে পারা যায় না ।
- ইন্দ্র । ওদিকে অমন করে রাগিও না ।
- শচী । কেন, কি করবে ?
- ইন্দ্র । ঐ দেখ এলো ! মধুর লোভে কি করে দেখ ।
- শচী । (সদর্পে) ইঃ! ওর কি সাধা আমাদের ছুঁতে পারে ?
- উর্ধ্ব । দেবি! ওদের কি সে ভয় আছে! দেব দিবাকরের সাক্ষাতেই কমলে বসে ।
- শচী । (সহাস্যে) বসুক, সে কমলিনীর দোষে বসে ।
- ইন্দ্র । (পরিহাস্যে) প্রিয়ে, সর, ঐ দেখ ।
- শচী । আঃ! কি জ্বালা! কান ঝালা পালা করলে যে !  
(বস্ত্র দ্বারা আঘাত ॥)
- রম্মা । দেবি! আপনার কবরীতে যে সব কুল আছে তা ফেলে দেন ।

শচী। বেস্ বনোছিস্। (পুষ্প ভ্যাগ) আঃ! তবু যে এরা  
যায় না।

ইন্দু। (সপরিভাষে) প্রিয়তমে! পদ্ম বিকশিত দেখে কি  
ভ্রমর কখন কিরে যেতে পারে? (শচী লজ্জিতা)

উর্ধ্ব ও রত্না। দেব! রাত্রি অনেক হয়েছে, এক্ষণে কি অনু-  
মতি হয়?

ইন্দু। তোমরা স্বস্থানে গমন কর। প্রিয়ে আর কেন?  
চল।

শচী। যে আজ্ঞা।

[ সকলের প্রস্থান ও যবনিকা পতন। ]

সমাপ্ত ॥



